

李文忠公全書

奏稿



李文忠公奏稿

卷之七十目錄

覆奏直隸水田難成摺

光緒十六年十一月初二日

學堂加費書識加糧片

光緒十六年十二月初二日

海防用款立案摺

光緒十六年十二月十一日
附清單二件

酌議土藥稅釐摺

光緒十六年十二月十七日

機器局報銷摺

光緒十六年十二月十七日

各省捐助直賑數目摺

光緒十六年十二月十九日

工賑收支數目摺

光緒十六年十二月十九日
附清單

奏稿七十目錄

國史館
不繕圖
書館藏
光緒十六年十一月初二日

不繕圖
書館藏
光緒十六年十一月初二日

桐城吳汝綸編錄

光緒十六年十二月初二日

覆奏直隸水田難成摺

奏為遵

旨體察直隸地勢分水溉田不能消除水患且多窒礙難行恭摺
覆陳仰祈

聖鑒事竊臣承准軍機大臣字寄光緒十六年八月二十二日奉

上諭給事中洪良品奏直隸頻歲水災請籌疏濬以興水利一摺
據稱疏濬不可緩者有六似難而實易者有三行之大利者十有
一所當豫計者有五請飭集議興辦等語所陳各條是否可行著
李鴻章體察情形妥籌具奏等因欽此遵卽轉飭辦理永定河工
臬司周馥候補道吳廷斌會同籌賑局司道等體察情形妥細籌

奏稿七十

議茲據該司道等核議詳覆前來臣查核原奏該給事中請修水
利大致以開溝渠營稻田為急疏中所稱不可緩者六似難而實
易者三行之大利者十有一累累數千言反覆推闡無非極言未
辦之害已辦之利及當今易辦之勢如果直隸溝渠可以盡開稻
田可以盡營自不難收此十一大利惟查以上各條大都沿襲舊
聞信為確論而於古今地勢之異致南北天時之異宜尙未深考
其所陳利害今姑勿論僅就原奏所當豫籌者五條詳加籌度五
條之中尤以審地勢一條為主腦而籌經費選賢才持定見策工
作皆其後焉者也考古冀州跨有今直隸晉三省之地唐虞夏商
建都三面環河昔之黃河由河閒天津入海以地勢揆之南北洎
卽禹貢大陸澤久已淤為沃衍東西淀卽宋時塘樂為遵宋所分
界今亦半成沮洳任邱縣境內之鄭州鎮為古州治今則形如釜

底天津之三汊河爲宋時黃河入海之口今海口遠在大沽代遠年湮滄桑變易高原或成��澤窪下強半填淤殆非人力所能爲夫以太行左轉西北萬峰矗天伏秋大雨口外數千里千溪萬派之水奔騰而下畿南一帶地平土疏頃刻輒漲數尺或一二丈衝蕩泛溢勢所必然

聖祖仁皇帝慮清濁合流之不可制也乃築千里隄格淀隄使淀與子牙河各行一路

世宗憲皇帝慮永定河南行之淤淀也令引渾河別由一道改移下口其餘官隄民隄今昔增築綜計不下三四千里沙土雜半險工林立每當伏秋盛漲兵民日夜防守甚於防寇豈有放水灌入平地之理今若語沿河居民以開渠引水無不錯愕駭怪者顧謂民志易從勢順易理耶且水田之制不獨地勢難行卽天時亦南

奏稿七十

二

北迥異春夏之交布秧宜雨而直隸彼時則苦雨少水涸今滏陽各河出山之處土人頗知鑿渠藝稻節用芒種上游分水入渠則下游舟行苦淺屢起訟端東西淀左近窪地鄉民亦散布稻種私冀早年一穫每當伏秋漲發輒遭漂沒此實限於天時斷非人力所能補救者也宋何承矩元郭守敬虞集明汪應蛟徐貞明董應舉左光斗諸人皆謂直隸可營水田言之鑿鑿宋元事遠難以取證今以明代已行之事考之徐貞明僅營田三百九十餘頃汪應蛟僅營田五十頃董應舉營田最多亦僅一千八百餘頃然皆黍粟並收並不盡種水稻且其意在墾荒殖穀並非藉以消滅全境水患今訪其遺跡所營之田非導山泉卽傍海潮絕不引大河無節制之水以資灌溉安能藉減河水之患又安能廣營多穫以抵南漕之入後人拘守陳編遂謂當日諸人未能久任以竟厥功其

亦弗思甚矣雍正五年怡賢親王大學士朱軾興修直隸水利四年之閒營治稻田六千餘頃然不旋踵而其利頓減九年大學士朱軾河道總督劉於義卽將距水較遠地勢稍高之田聽民隨便種植乾隆九年大學士高斌吏部尙書劉於義復加相度專於河道施工奏明營田應順民情只酌借井陘等縣民人工本銀數千兩是營田並未能加多也當雍正乾隆年間

聖明裁斷於上羣臣奔走於下帑項充足賞罰風行其規模迥非前代可比而收效祇有此數可見直隸水田之不能盡營而踵行擴充之甚不易也恭讀乾隆十二年四月二十八日

上諭直隸水利關係甚重是以

皇考特命怡賢親王及大學士朱軾等督修欲營水田以備不虞後以南北地利異宜難臻績效等因欽此又恭讀乾隆二十七年

十一月

奏稿七十

三

上諭范時紀摺奏京南霸州文安等處地勢低窪易致淹浸請設法疏通添築隄埝改爲水田一事此不過偶以近來一二年閒雨水稍多竟似此等地畝素成積潦之區殊不知現在情形乃北省所偶遇設過冬春之交晴霽日久便成陸壤蓋物土宜者南北燥溼不能不從其性卽如附近昆明湖一帶地方試種稻田水泉最爲便利而蓄洩旺減不時灌漑已難徧及儻將窪地盡令改作秧田當雨水過多卽可藉以瀦用而雨澤一歉又將何以救旱從前近京議修水利營田未嘗不再三經畫始終未收實濟可見地利不能強同亦其明驗等因欽此仰見

聖明洞燭利病考究精詳

謨訓昭垂允宜遵守後世臣民可毋庸輕議更張矣卽如天津地

方康熙年間總兵藍理在天津城南墾水田二百餘頃不久被河水淤廢咸豐九年親王僧格林沁督師海口在鹹水沽等處墾水田四十餘頃嗣以旱澇不時迄未能一律種稻而所費工本已屬不貲光緒初年臣以海防緊要不可不講求屯政曾飭前湖南提督周盛傳在天津東南鄉開挖引河墾水田一千三百餘頃用淮勇民夫數萬人經營六七年之久始獲成熟此在潮汐可恃之地役南方習農之人尙且勞費若此若於腹地五大河經流多分支派穿穴隄防濬溝遂於平原易黍粟以秔稻水不應時土非澤埴竊恐欲富民而適以擾民欲減水患而適以增水患也至原奏籌經費條內謂請添百餘萬金再移工賑百十萬金以爲水利開基後復分年籌費限以十年竣事查本年水災仰蒙

皇恩優渥先後所發順直銀米皆係辦賑要需災黎待哺嗷嗷何

奏稿七十

四

能奪貧民口食移以辦此且被災饑民老幼婦弱居多豈能概令工作以代賑撫直隸庫儲極絀供億浩繁亦斷難歲籌鉅款議辦營田諸事又原奏策工作條內請以西洋濬河機器施之永定各河又請於伏秋汛後挑切淤灘又請於海口多開引河以暢去路查此三事固人力所能行者西洋挖河機器船陸續共購三隻一在大沽口外遭風沈溺一已報廢現僅存一隻頻年在東淀挖泥培隄水深隄寬頗有效驗但購船養船之費爲數過鉅實無餘力多置永定河則挾沙帶泥來去靡定自來不通舟楫機器船無從駛入且灘寬隄遠所挖之泥不能送堆於岸仍屬無益伏秋汛後挑切淤灘原爲去河內頂衝之險今欲以裁灘多少爲河員殿最大抵河員不患工多只患無工可辦此項經費浩大祇能相機酌籌未便另請添款海口多開引河議者頗多然必審酌地勢之宜

蓋減水分溜須於上游另闢一途入海方於全局有裨查直隸五大河惟南北兩運距海稍近各有減河南運減河在山東境者有四女寺哨馬營兩處在直隸境者有捷地興濟兩處自道光咸豐以來各減河皆就淤廢是以全河之水悉注天津三汉口其捷地興濟舊河久成平陸屢議勘辦輒以工大費鉅而止光緒六年臣飭前湖南提督周盛傳墾闢水田自靜海縣之靳官屯運河東岸至興農鎮開挖減河一道直接該軍營田之河分洩盛漲入海十三年臣又會同山東撫臣張曜派員挑挖四女寺減河宣洩南運河盛漲稍著成效北運減河有王家務筐兒港二處又於天津之霍家嘴挑挖減河一道添設滾水石壩分溜甚暢同治十三年曾於天津城東開濬陳家溝減河一道名曰金鐘河分由北塘歸海亦減海河正溜十分之三本年復調淮練各軍重加修治此外實

奏稿七十

五

無可再議分減之處

臣兼任河防但能有裨民生曷敢稍執成見

溯自同治十年以後直隸屢被水災修培隄岸疏濬支流幾於無河不隄無工不辦深知部庫艱絀不敢多請賴各省官紳商民時相解推集腋遠助歷查成案直隸治河之勤勸捐之多未有若近歲者在尋常漲發之年無不獲保安瀾觀安州雄縣文安大城天津靜海各低區有向來棄爲汗萊斥鹵者皆播種殆徧絕少曠土雖不能盡墾水田亦可謂地無遺利矣今夏霖雨洩旬異常大漲爲百十年所未有河身不能容納隄岸遂多漫溢甚至隄外窪地瀝水亦積深數尺此誠困於天時地勢之無可如何非盡由人謀之不臧也地方官吏惟有急圖塞決多方疏消以冀河流早日順軌農民復業卽小民所亟亟籲求者亦莫不以此爲急現在各河漫口臣已督飭各該管河道分別一律堵合惟兩水夾隄難於取

土明春尙須加高培厚以資保障此外各大河正隄及各減河分支擬俟來春派員分別查勘應修築者修築應疏濬者疏濬統視力量之所及籌款設法補救以期仰副

宵旰焦勞之至意至於開墾水田祇可因地制宜量爲勸辦以收一隅之益斷難全力大舉貪迂遠無成之功該給事中所陳各條詳加體察實屬窒礙難行應請毋庸置議理合據實覆陳伏祈

皇上聖鑒訓示謹

奏

再海軍衙門奏定北洋海軍章程案內聲明章程容有未備及臨時應行變通者隨時酌擬具

奏等因查北洋海軍精練後營練勇學堂係就原有水師屯船改設專為招募沿海幼童練習兵輪水手技藝以備各船挑補缺額之用屯船月支公費銀四十兩自改為練勇學堂並未議定公費數目經海軍提督丁汝昌以該學堂營房操棚比較屯船處所為多應需費用即較屯船有增酌擬月給公費銀六十兩當飭海防支應局會同直隸臬司周馥議覆查明水師屯船月支公費銀四十兩歷經造報准銷有案今既改為精練後營移駐劉公島練勇學堂每月應需油燭紙張並購辦修擦鎗礮物料及添置一切零件費用較船內為繁每月至少須加銀二十兩擬月給公費銀六

奏稿七十二

七

十兩自光緒十五年正月起支按京二兩平核發仍加閏扣建在海軍雜支等項歲需三萬兩款內勻撥又海軍章程內載書識在船當差月支銀十二兩在岸當差月支銀九兩親兵在船當差月支銀六兩在岸當差月支銀四兩五錢惟提標書識六名親兵二十名並未分在船在岸各幾名從前月支餉項均照在岸核給惟海軍提督常年駐船督率操練其分撥在船當差者未免苦累經該提督派定除在岸書識親兵薪糧仍照章開支外其在船書識四名每名月加銀三兩共十二兩在船親兵八名每名月加銀一兩五錢共十二兩均與定章相符合共月加銀二十四兩亦自光緒十五年正月起支由支應局司道詳請

奏咨立案前來臣覆核無異除咨海軍衙門戶部兵部立案外所有海軍練勇學堂加支公費及在船提標書識親兵照章加給薪

糧緣由理合附片陳明伏乞
聖鑒謹
奏

奏稿七十

八

海防用款立案摺 光緒十六年十二月十一日

奏為光緒十三四年北洋海防用款應行立案各項先開簡明清單奏報隨後造冊請銷恭摺仰祈

聖鑒事竊查前准總理各國事務衙門會同戶部議撥南北洋海防經費奏明由督辦大臣將用款數目咨報總理衙門及戶部查核原以籌辦海防事屬創始一切用款皆無成例可循亦非他項軍需可比是以僅令將用款數目咨報嗣經戶部議奏報銷程式並定戶兵工三部分銷章程又令於事前奏明報部立案事後方准核銷等因臣以立案之意必部中無案可稽者始行奏咨以備核銷時有所稽考其曾經報部有案及常年照章支用各款自毋庸再行立案北洋海防取法泰西諸國凡購物製器用人頭緒較多擬屆一年將應行立案各款分別奏咨庶辦理可期簡易而稽

奏稿七十

九

核亦有依據疊經陳明並將光緒十二年以前用款造送清冊經部准銷茲查自十三年正月起至十四年十二月底止經支北洋海防經費除舊有各船艇魚雷水雷各營原支薪糧煤斤號衣旗幟水師武備兩學堂電報總分各局行營製造局大沽船廠旅順口魚雷營常年經費機器工程軍械子藥各項廠庫局內華洋文武員弁人等薪餉軍械局購造鉛丸皮紙起卸廠械工價各臺艦礮費馬乾卸賞暨找付十二年以前訂購外洋軍火機器等項價腳旅順口嶗嶸嘴建造礮臺大沽建築收藏蚊船土臨未竣各工並一切照章雜支用款十二年以前報部有案者均毋庸再行立案又新添魚雷大快艇敏捷夾板練船及旅順口水雷營雇照小輪船員弁人等薪糧公費業經專案奏咨雇募各國洋員教習薪水川資等費亦將合同鈔錄送部准軍報銷局別歸海防收銷行

營製造局造子辛工由該局按年報部覆准亦毋庸再行立案此外采買製造及原有各師船營局學堂添派員弁并旅順口威海衛添設水師醫院武備學堂挑赴旅順口操礮學生八等新數暨一切更定新支用款自應循案按款摘敘案由支數分別造冊開單先行奏咨立案飭據海防支應局司道查明具詳前來臣查光緒十三年北洋防費係海軍衙門按歲支額款指撥其添購外洋軍火器械及添建礮臺庫廠等項工程本不在內疊經咨明海軍衙門有案當此創立海軍之際欽奉

懿旨擴充辦理凡必須添購之器添建之工統籌全局需費正繁部庫同一拮据勢難動請添撥北洋歲撥經費各省關又難解足其額外用款苦費持籌如十三年找付十二年以前訂購外洋礮械及添置英國新式快捷礮水師操用手鎗仿造荷乞礮子機器

奏稿七十

十

又找付礮啤嘴大礮臺蚊船土鴨工料及添建威海衛水師運煤鐵碼頭練勇學堂操廠等項共用銀三十餘萬兩十四年添購克鹿卜十二生脫鋼礮子彈改造康濟船作為魚雷練船及添配雷電各物又添建礮啤嘴北山小礮臺及水師兩醫院收藏雷艇廠等項共用銀十餘萬兩均不在額支數內蓋海防規制既漸擴充則一切購械用人以及工程建造關繫操防要務難免歲有增加當此帑項支絀之時全賴累年節省藉資挹注不敢涓滴虛糜至水師各船艇及局隲學堂常年操習製造無一不采用西法即應用各項軍火器械料物無一非購自西洋博訪周諮及其時價最廉擇要購備並一切新支用款均係格外撙節實無絲毫浮濫除俟造銷時再將各款詳細數目分晰開報並將清冊分咨戶兵工三部外理合將十三四兩用款分繕簡明清單兩件恭摺具

陳伏乞
皇上聖鑒謹
奏

奏稿七十

十一

謹將光緒十三年正月分起至十二月底止北洋海防經費
項下應行立案新支及更定各款開具簡明清單恭呈

御覽

新糧及雜支項下

一旅順魚雷營考取二三四五等班學生自正月起共加餉銀六
十一兩九錢二分又自四月起共加餉銀二十二兩六錢

一旅順工程局將原派員弁司事兵役人等分別增減計設二十
二員名月支薪糧公費銀五百三十九兩五錢

一天津水師學堂添設官醫生並魚雷機器匠升火等三名月支
薪工銀二十五兩

一天津武備學堂添設操馬三十四馬夫十名月支口糧馬乾銀
一百二十兩

奏稿七十

七

一大沽水師船塢增減華洋工匠月加支銀二百十七兩三錢

一電報總分各局並各報房分別增減月加支銀一千三百七十
二兩

一北洋大臣衙門添派電報委員知縣郭銘新月支薪水銀二十
兩

一劉公島水師機器廠添雇機器匠銅匠鐵匠三名月支銀五十
五兩

一添派法文繙譯候選知府聯芳月支薪水公費銀一百兩

一水師營務處添派繪圖學生戴清月支薪水銀二十四兩

一添派隨辦洋務候選道劉鴻業月支薪水銀五十兩

一咨調船政學堂學生李壽川等四名各月支薪贍銀十八兩又

教習羅熙祿月支薪水銀五十兩王福昌月支薪水銀六十兩又

該學生教習由閩來津川資行裝銀二百九十兩零

一威海衛劉公島添建操棚廠庫並操場圍牆泊岸土坡等工購用民地三十四畝零地價並籽種工本及遷房費等銀一千二百八十九兩零

一旅順口建造魚雷營局艇臺並洋教習住房購用民地三十七畝零地價及籽種工本銀五百四十八兩零

養船及運保項下

一北洋水師先後操練三等水手二百名月支口糧銀八百兩

一水師考取試用候差學生池兆瑄等十六名月支薪贍銀六十六兩又留用閩廠學生林葆懌等五名月支薪贍銀九十兩

一左右隊五號大魚雷艇月支油燭銀三十兩

一守雷小輪船管駕官月加領哨公費銀十二兩又添書識一名

月給辛工銀十兩

奏稿七十

十三

一武備學堂學生添練馬隊購用操馬三十四匹價銀四百二十七兩零

一天津武備學堂旅順魚雷營學生雷兵等乘坐兵輪出海操練津貼伙食銀四百十九兩零

一辦理朝鮮交涉通商事宜道員袁世凱領仁川口剝運北洋水師儲備塊煤三百七十七噸剝費損力銀三百三兩零

一天津軍械局委解神機營鎗礮子彈銅帽等項四千六百十五箱件車船腳價銀六百九十一兩零

一購德國克鹿卜九生脫後膛鋼礮二十二尊礮架二十二具子藥車二十二輛子彈六千四百顆由德至香港運保等費銀一千

一百八十二兩零

一購英國阿摩士莊廠水師備用單管馬克綏姆礮四尊礮架四座鋼炸彈二千顆由英至津運保等費銀二千五百十九兩零
一購德國克鹿卜廠十生脫半後膛鋼礮四尊礮架並隨件四份引火子母彈鋼開花彈各四百顆由德至津運保等費銀三千三百二十五兩零

一武備學堂購沿海各礮臺需用測遠器五副由德至津運保等費銀五百二十七兩零

一購英國威布烈鍍銀六出上等手鎗二千枝配帶零件二千副合膛子彈一百萬顆由英至津運保等費銀七千一百二兩零

一購英德兩廠仿造荷乞礮子機器二十四副又仿造運礮子裝炸藥器具二副由英德至津運保等費銀一千三百四十九兩零
一由德國伏爾鏗廠購導海挖泥輪船備換斗輪等項器具十三

種運保等費銀九百八十三兩零

奏稿七十一

十四

一由德國洋廠購操習魚雷應配水汽表汽筒轉數表電光燈及修理魚雷器具由德至津運保等費銀二百二十五兩零

一旅順水雷營由英廠購操防應用雷電器具並各項物件由英至津運保等費銀七百九十三兩零

采買及製造項下

一購英國阿摩士莊廠新式四十磅子後膛全鋼快捷大礮一尊並隨帶架具零件全份硬質彈銅引火銅子壳牛油氈墊各一百五十件又購配設蚊船邊礮後門鋼底三十六副價值銀六千九百五十三兩零

一購英國威布烈鍍銀六出上等手鎗二千枝配帶零件二千副合膛子彈一百萬顆價值銀五萬一千四百二十三兩零

一購英德兩廠仿造荷乞礮子機器二十四副又仿造運礮子裝炸藥器具二副價值銀一萬一千八百九十九兩零

一北洋海軍由英廠購輪機電燈備用各件並算法書籍畫圖器具等項價值銀一千七百四十二兩零

一由德國洋廠購操習魚雷應配水汽表汽箭轉數表電光燈及修理魚雷器具價值銀五千二百二十四兩零

一購英國官製中國海圖三百十八張各國海圖十二副操礮書四百本價值銀二千五百三十四兩零

一超勇揚威康濟威遠四船購備常年操巡應用大批料物器具價值銀一萬一千七百十五兩零又劉公島水師機器廠購備常年應用料物價值銀一萬四百八十兩零

一由德國伏爾鏗廠訂購導海挖泥輪船備換斗輪等項器具十

奏稿七十

十五

二種價值棧租銀四千二百五十三兩零

一旅順口導海挖泥等船購備常年濬澳應用料物器具價值銀六千九百六十兩零

一旅順魚雷營雷艇雷廠購備常年工操應需大批料物器具價值銀一萬二千二百三十一兩零

一大沽旅順水雷營由英廠及津滬各洋行購操防應用雷電各器具並各項料物價值銀一萬一千四百三十兩零

一水師學堂購辦挑上練船學生並教練魚雷應用洋廠儀器書籍圖紙筆墨並綱鐵各件價值銀一萬二千五百十二兩零

一武備學堂購德國新式測遠鏡二具並架座零件二份價值銀三百八兩零又購化學需用器具藥物及工程隊需用長柄洋鋏價值銀八百二兩零

一 大沽船塢購鍋爐大汽錘一副起重白油棕繩八千七斤八兩鐵練三千一百二十三斤十二兩價值銀三千四百二十九兩零

一 天津軍械局旅順工程局訂購北洋建築臺壘庫廠等工需用塞門德土一萬一百九十七桶半價值銀三萬二千八百二十六兩零

一 旅順口沿海各礮臺及軍械各局訂購雙軌鐵路一千七百五十九丈五尺鐵車一百九輛連鐵墊板鐵轉盤螺絲釘魚尾夾板及零件全份又十寸圍白棕大力繩一根價值銀一萬六百五十二兩零

一 北塘搭造浮橋調用天津道運漕滿料剝船十二隻應繳變價銀三百六十兩

奏稿七十

七

一 駐防山海關正定練軍操演格林礮車仿造洋式五馬鞍轡六全副工料銀三百五十二兩零

一 製造頒賞各洋員金銀寶星十面並佩帶木匣等件工料銀二百九兩零

一 天津軍械局修理來福鎗二萬八百五十九桿並購配鎗箱白洋鐵皮四十七箱又製配車礮用裝藥皮盒等八十八副工料銀六百八十九兩零

一 大沽船塢承修超勇揚威康濟威遠六鎮操江利運飛靈快馬遇順導海及廣艇等十七船並添購備用各件料價銀二萬一千七百三十三兩零

一 超勇揚威康濟威遠四快船及左隊一號魚雷快艇光緒十三年冬季赴上海祥生洋廠刮底油艙並修配各件工料銀一萬四

千五十九兩零

一 山海關水雷營歷年修理操雷平底大船一隻工料銀二百一十兩零

一 天津水師學堂添建魚雷小廠六間煙囪一座剝岸一道水井一口煤圈一座工料銀二千二百九十二兩零

一 大沽海口礮臺添建存儲攔港輓木筏及錨纜等件廠庫二十五間圍牆一道工料銀二千七百九十五兩零

一 前敵營務處提督吳殿元承修大沽口蚊礮各船存儲軍械公所工料銀四百四十九兩零

一 威海衛劉公嶼創建水師運煤鐵碼頭一座工料包價銀十五萬一千五百兩又建設北洋水師練勇操棚學堂廠庫並大小住屋共二百七間操場一道石圍牆十六道泊岸二道土坡一道工

奏稿七十

十七

料銀三萬六千三百二十三兩零

一 旅順水雷營添建棉藥庫一座看庫住房一間圍牆一道工料銀一千三百二十一兩零

一 旅順口魚雷營添建收藏艇鴨一座石泊岸一道廠庫十四間工料包價銀一萬六千五百兩又添建洋教習住房並營門城樓看煤住房及弁兵廚房共二十間開挖水井十八口工料銀一千九百三十七兩零

一 旅順口建設燈塔一座並存油及看燈庫屋三間工料包價銀一千六百八十兩

一 旅順口山海關等處礮臺添設克鹿卜二十四生脫後膛鋼礮一尊月支礮費銀十二兩又添設九生脫後膛鋼礮八尊共月支礮費銀三十六兩又添設二十一生脫後膛鋼礮二尊共月支礮

費銀十六兩

查以上各款均係十三年分新增支項應遵照部章先行奏咨立案其一切例支款項及業經奏咨毋庸再行立案者均未開列

奏稿七十

十六

謹將光緒十四年正月起至十二月底止動用北洋海防經費應行立案新支各款開具簡明清單恭呈

御覽

薪糧及雜支項下

一天津武備學堂改派提調一員照案月支薪水銀五十兩
一水師學堂第五屆考試駕駛管輪各學生共月加贍銀五十七兩

一劉公島水師機器廠添雇廠匠藝徒人等二十名共月支辛工銀一百九十一兩又添派司事一名月支薪水銀十六兩

一武備學堂挑赴旅順學習臺礮水雷各事學生二十八名又夫役四名共月支薪飯工食銀二百九十兩

一添設旅順口威海衛兩處水師醫院學生及配藥人役等十名

奏稿七十

五

共月支薪水工食銀一百六十八兩

一水師營務處添派繙譯魏濂月支薪水銀二十四兩

一正定練軍操礮繙譯兼充教習吳器堂月加支薪水銀十兩

一威海衛劉公島建造水師醫院基址購用民地二十七畝零並酌給籽種工本共支銀七百八十五兩零

養船及運保項下

一水師學堂挑赴威遠練船駕駛管輪學生三十六名共月支銀五百八十八兩

一水師督船大副一員月加薪水銀二十兩

一水師統領隨帶官醫生等三名共月支薪工銀九十兩

一光緒三十四兩年冬季北洋海軍提督丁汝昌統率各船操

巡南洋因公電報共支報資譯費銀八百十七兩零

一光緒三十四兩年出使德國大臣代北洋訂購洋廠礮械及
因公發遞電報共支報費銀五百六十兩零

一招商局及洋商輪船承裝礮位子彈等件由上海運至天津煙
臺等處共支水腳銀二千五百五十一兩零

一購德國克鹿卜廠七生脫半新式過山礮彈及十五生脫生鐵
開花彈二十一生脫生鐵開花彈二十四生脫生鐵開花彈等項
由德至津運保等費銀一萬四千七百八十六兩零

一康濟兵輪改作魚雷練船由英德兩廠購新式電機電燈雷礮
等項運保等費銀二千八百一兩零

一購德國克鹿卜廠十二生脫口徑新式後膛長鋼礮並子母彈
開花彈由德運津運保等費銀三千三百五十兩零

采買及製造項下

奏稿七十

三十

一購德國克鹿卜廠十二生脫口徑新式後膛長鋼礮並子母彈
開花彈價值銀二萬一千四百三十五兩零

一水師學堂領用機器局各項料物器具並由上海勘驗軍火局
代購測遠儀器價值銀二千二百六十九兩零

一由洋廠訂購旅順口船塢停泊鐵甲鋼快等船需用繳關大鋪
又製造浮鼓鐵板價值銀二萬二千七百九十七兩零

一康濟兵輪改作魚雷練船由英德兩廠定購新式電機電燈雷
礮等項價值銀四萬六百八十六兩零

一超勇揚威康濟威遠敏捷等五船購備常年操巡應用大批料
物器具價值銀一萬三百四十八兩零

一劉公島水師機器廠購備常年應用料物價值銀四千三百四

十二兩零

一旅順口導海挖泥等船購用常年濬澳料物器具價值銀六千四百九十九兩零

一旅順口魚雷營雷艇雷廠購備常年工操應需大批料物器具價值銀一萬八千四百二十四兩零

一武備學堂仿造洋式行軍氣球並操球鏢水工料價值銀四千二百三十五兩零

一山海關水雷營添製操雷需用各種架座箱盤等件工料銀九十二兩零

一製造頒賞洋員金銀寶星等件工料價值銀二百五十二兩零

一旅順口工程局改修卸重木剝船並購起重金山松木桿工料價值銀六百六十三兩零

一奏稿七十
王大沽船塢承修超勇揚威六鎮操江利運桿雷導海等十二船料價銀一萬四千三百九十七兩零

一大沽船塢承造水陸各營需用大小舢板十三隻並各營修製領取各件料價銀二千九百三十四兩零

一康濟威遠兩練船光緒十四年冬季赴閩廠配換鍋爐輪軸改造艙位礮盤並全船一律修整及添置各件工料價值銀三萬八千八百十六兩零

一超勇揚威二船光緒十四年冬季赴上海祥生洋廠刮底油艙並修配各件工料銀二千一百八十七兩零

一天津武備學堂添築行營小礮臺工料銀一百二十九兩零

一旅順口白玉山威海衛劉公島各建水師醫院一所工料銀二萬七千五百十兩零

一旅順口改建操礮學生及洋教習學堂住房工料銀一千一百

八十兩零

一旅順口嶗嶗嘴北山添築小礮臺藥庫官房兵房營門更房工料銀七千五百八十二兩零

一旅順口饅頭山城頭山兩礮臺添築護牆並添建子藥庫礮兵房工料銀三千五百二十二兩零

一旅順口蠻子營礮臺添築護牆並添建藥庫講堂巡房工料銀三千三百九十兩零

一旅順口威遠礮臺添築石牆並添建子藥零件庫改築礮盤添改兵房工料銀三千一百八兩零

一旅順口虎尾礮臺添築石牆操場臺階泊岸並改造藥庫兵房工料銀二千八百二十四兩零又西岸各礮臺添造拉礮石泊岸大路枝路木橋工料銀四千二百五十兩零

奏稿七十

三

一水師學堂製給派上練船學生各項號衣褲號帽戰靴行囊等件銀七百七十七兩零

一光緒三十四兩年北洋海軍提督製給隨帶駕駛管輪學生春夏冬三季官號衣褲靴帽等件銀一千六百八十兩零

一旅順口水陸營務處製給操礮學生青呢號衣褲戰靴草帽工料價值銀一百十五兩零

查以上各款均係十四年分新增支項應遵照部章先行奏咨立案其一切例支款項及業經奏咨毋庸再行立案者均未開列

酌議土藥稅釐摺

光緒十六年十二月十七日

奏爲查明直隸栽種土藥情形酌議徵收稅釐恭摺覆陳仰祈
聖鑒事竊臣欽奉光緒十六年四月十五日

上諭總理各國事務衙門戶部奏整頓土藥稅釐請飭詳查妥辦
一摺內地栽種土藥爲中國出產大宗果能設法稽徵認真辦理
既可裨益餉需且亦收回利權之一助並可以徵爲禁隱寓崇本
抑末之意近聞吉林黑龍江呼蘭熱河及四川雲南江南淮徐等
處土藥出產日繁各該省局卡徵收稅項官吏隱匿人已爲數甚
鉅弊端百出以致徵多報少於國課毫無裨補若不及時整頓於
洋藥併徵辦法大有關礙稅數必將日絀何以昭核實而裕餉源
著各直省督撫詳察地方情形或於出產之處就地徵收或於販
運過境嚴查走漏務當破除情面實力稽核將原定新定各辦法

奏稿七十

五

迅速覆奏等因欽此當經飭令藩司裕長臬司周馥會同津海關
道劉汝翼詳查案卷體察情形切實籌議茲據該司道核議詳覆
前來臣查土藥稅釐按畝徵收似有實際然流弊孔多今先舉其
不便之處直境所種罌粟零星無多固由沙瘠不宜亦因蒔藝不
甚得法凡沃土近水有種數畝數十畝者餘或半畝數分或種於
園邊屋角或今種此區明年改種彼區或一區之中與他物雜植
村村不同年年不同必欲一一查明無遺無濫勢所不能且利之
所在人思避就脫漏影射伎倆百出雖竭有司之智力無以勝之
是難於稽查其不便者一種植既屬無多而收成豐儉不同因災
緩免又每年不一凡種罌粟之地大半鄉僻不近大道官若不能
處處踏勘勢必假手吏役則索詐之禍滋若聽民自報報而不實
者罪之則告訐之風起是易於擾累其不便者二出於貨者曰稅

出於地者曰賦貨徵於商賦徵於農徵於商者以貨之權量計徵於農者以地之頃畝計今所徵者明明稅也苟不徵於貨而徵於地不以貨之權量計而以地之頃畝計民必驚爲加賦官亦畏其考成是名實不符難以持久其不便者三卽如蠶絲蒙城光緒十二年擬辦按畝收捐該處民人稱曰煙糧恐成永額紛紛阻撓靈壽縣前擬按畝收捐縣民聚眾抗違總未辦有成效並聞山西州縣曾因按畝收捐幾釀重案是以山西現在專辦釐捐不辦畝捐此畝稅一事實屬窒礙難行也查總理衙門原奏及欽奉

諭旨皆云或於出產之處就地徵收或於販運過境嚴查走漏所謂就地者卽總稅務司申呈內之落地稅所謂過境者卽總稅務司申呈內之稅釐俱指按貨徵收而言今惟有就地徵收落地稅及過境徵收稅釐兩法博采眾論統籌全局尙屬可行竊惟土藥

徵稅本爲

國家不得已之舉伏讀

諭旨原奏於崇本抑末諄諄垂誡自當仰體

朝廷內顧邦本之至意首以不擾民生爲主稅課之贏絀猶其次也欲不擾民必須輕稅蓋貨之稅輕者走私之利亦輕稅重者走私之利亦重故稅輕則民重犯法而偷漏少稅重則民輕犯法而偷漏多偷漏少則法可寬偷漏多則法必嚴法寬則不擾民法嚴則擾民自然之理也然光緒十一年與英國所定洋藥稅釐併徵專條有中國應許此等貨色在行銷洋藥地方開拆者如有應納稅捐等項或當時或日後不得較土煙所納稅捐格外加增之議今土藥定稅若輕於洋藥恐彼將藉爲口實則土藥稅捐又有不得不與洋藥相等之勢查總稅務司赫德申呈總理衙門條陳內

稱洋藥在印度每百斤先須完稅約二百五十兩運赴中國復徵稅釐一百十兩等語故彼欲將土藥比照洋藥在印度出口之例先收落地稅一百十兩又比照洋藥在中國進口之例再收關稅釐捐一百十兩是每土藥百斤應完二百二十兩矣殊不知洋藥在印度所完與中國所完乃兩國之稅中國土藥並不運至外國而於中國兩次重複徵收是視一國如兩國而與專條內行銷洋藥地方所納稅捐字樣不合故土藥稅捐額數但須與洋藥在中國進口所完稅釐數目無所軒輊即與條約不背惟查各省土藥價值每百斤自一百餘兩至三百餘兩不等貨之高下懸殊價之低昂各異若不論價低昂而一例按其斤數比照洋藥收稅未免偏枯必須估價定稅方為公允現在洋藥每百斤售價自三百八九十兩至四百八九十兩不等折中約四百四五十兩以稅釐一

奏稿七十

五

百十兩核之約計每價百兩徵稅釐二十四五兩之數擬請將土藥亦按價每百兩共徵稅釐二十四兩惟洋藥祇有關稅釐捐兩項無落地稅土藥則當分為落地稅八兩關稅八兩釐捐八兩合計共二十四兩如此則與洋藥稅釐額數銖兩悉稱無畸輕畸重之處可免滋生異議而落地稅關稅釐捐三項俱全分次徵收係屬土貨辦法與總稅務司原議亦相脗合至於稽徵之法則與洋藥情形又不相同洋藥先至海關後分運於內地必併徵而後稽察易周土藥先散出於內地後過關卡必分徵而後商力易舉各州縣出產土藥之地散漫難稽不比洋藥進口非報海關不能起岸自非稅則稍輕使走私無甚大利斷不能免繞越偷漏之弊而條約所限又不能輕於洋藥惟有將落地稅釐捐關稅分作三次徵收則每次皆止值百抽八雖未減輕而不覺其重若能認真稽

收一無擾累商民各顧身家似尚不致行險徼倖難於防範細查直隸各州縣之種粟畝數甚少與川滇及東三省情形不同其自種自食者難以計數外如甯河豐潤灤州藁城蠡縣及大名順德所屬州縣間有種者皆有商販於四五月閒買漿晒土而農民彼時收漿亦必隨手變賣毫不停留向有經紀在市爲之評價官不過問絕無官吏私收稅捐隱匿入己之事今擬請將土藥落地稅貢成各州縣辦理飭令種藥各州縣各募充土藥官牙一名或數名設立土藥集市一處或數處凡買土藥皆於集市交易由官牙過秤評價按價每百抽八完納落地稅給予落地稅印花黏貼其官牙許照各項牙行常例按三分抽用稅出於買主用出於賣主私相交易者查拏罰辦黏有落地稅印花之貨運至別州縣不再徵落地稅運過釐卡再按價每百抽八完納釐捐黏貼釐局印

奏稿七十一

天

花黏有釐局印花之貨運至別處釐卡不再徵釐運至稅關再按價每百抽八完納關稅黏貼關稅印花迨三次納畢無論運至何省何處不再重徵無印花者卽爲私貨照章罰辦並照總稅務司所擬省城設立土藥關之議於省城設立土藥總局遂派委員專司其事關稅印花卽用監督關防釐捐印花卽用釐局關防惟落地稅印花若用各州縣印信不能畫一且恐州縣徵多報少無可稽考應專刊稽徵土藥落地稅木質關防一顆存於總局並刊騎縫印花板式鈐用關防分發各州縣應用各州縣領回加蓋本州縣印信按包黏貼截根繳回備查各州縣准於所收落地稅內酌提一成作爲經費不准額外需索絲毫總局費用於所收稅項內作正開銷至多亦不得逾一成之數如此則於條約無違於民生無擾似屬兩得當此試辦之初雖每年可收稅釐若干不能豫計

成數而以各州縣所收牲畜花布等稅辦法比較似落地稅一節不致毫無把握且立法簡易便於商民果能認真經理自可日有起色至完落地稅之後應准其隨地銷售過關過卡能否如完落地稅之數則不可知惟有嚴查走漏明定罰章以杜弊端而裕稅課所有的議直隸徵收土藥稅釐緣由理合恭摺覆陳伏乞皇上聖鑒訓示謹

奏

奏為天津機器局光緒十四年分動用經費照章造冊報銷恭摺
仰祈

聖鑒事竊照天津機器局經費奏明動撥津海東海兩關四成洋
稅截至光緒十三年止業將收支款目造冊奏報經部核覆准銷
並將十四年支給薪工等款分別咨部立案茲據該局司道沈保
靖等將十四年分應行造銷各冊分晰開報計上屆存銀八萬一
千七百三十六兩有奇本屆十二箇月共收撥解四成洋稅並奉
撥出使經費及各省撥還銀三十六萬七千三百二十一兩有奇
共支銷銀二十九萬六千八百兩有奇應存銀十五萬二千二百
五十七兩有奇業經定購外洋器料並添建廠房工程動用應歸
付清價腳及工竣之年報銷所有本屆應銷各款仍照向章各歸

奏稿七十

天

各冊計全案收支總數及員弁司事夫役人等薪工為第一冊購
辦物料續建工程及核付保險運腳等項為第二冊收支物料分
項造報用存物料作為光緒十五年舊管為第三冊製成軍火撥
發各項為第四冊外撥各船薪糧物料及行營製造局用料為第
五冊神機營撥用物料為第六冊其製成軍火仍造冊咨送總理
各國事務衙門備查至製造各項器械皆仿西洋新式難以例價
相繩循照歷屆章程實用實銷詳請具奏前來臣查該局所呈各
冊復加確核委係核實動用毫無浮冒北洋籌辦海防拱衛

畿輔各營需用軍火為費不貲加以創立海軍凡鐵艦快船魚雷
艇水雷營及各口礮臺應需軍火名目既多關繫尤重該局為水
陸各軍取給之源外省又時來請撥必須設法籌備惟應領額款
僅指津東兩海關四成洋稅及海軍衙門撥給洋藥釐金款少用

多時虞竭慶現須添造西洋新式長礮鋼彈新式栗色火藥雖海軍章程內奏明應月撥銀八萬兩乃各省關解難足額未能如數勻撥經費實形支絀惟有督飭局員就款撙節動用勉力支持冀免貽誤除將清冊分送總理衙門暨戶兵工三部查照外所有天津機器局光緒十四年動用經費造冊報銷緣由理合恭摺具奏伏乞

皇上聖鑒謹

奏

各省捐助直賑數目摺

光緒十六年十一月十九日

奏爲直省辦理賑務收到各省捐助銀兩先行截數恭摺奏報仰

聖鑒事竊查本年夏間霪雨爲災各河漫溢綜計順天被災幾及

二十州縣直隸被災竟至四十餘州縣順屬疊蒙

恩賞內帑並部庫銀十萬兩大錢五十萬串粟粳米二十六萬五千石又撥京外八九十三箇月海防捐銀約四十萬兩直屬亦蒙恩准於藩運各庫動撥銀六萬兩並截留江北漕米三萬六千石奉天粟米一萬二千七百餘石

仁施浩蕩薄海同欽惟直屬地廣災重所撥銀米僅敷夏秋急賑並冬令粥廠及災重數州縣加撥米糧之用其餘各河漫口並籌備各處冬賑銀數臣於奏請推廣賑捐摺內聲明約計非二百萬

奏稿七十

三

金不能蔽事確係必不可少之款直省本爲缺額之區續於藩運兩庫籌撥永定河工款銀十萬兩已形竭蹶而近省各州縣冬賑復由藩司竭力籌撥實屬搜括殆盡其天津河閒永平遵化四屬二十餘州縣被水災黎嗷嗷待哺一籌莫展焦灼方深臣亦深知皇恩高厚如果爲民請命援照順屬撥款披瀝上陳定必仰荷聖慈隆施立沛但蒿目時艱既慮部庫爲難又恐分近畿之力再四躊躇茫無所措臣惟有率屬倡捐一面電函馳告各省督撫將軍臣求助鄰封藉資集腋幸各省力顧大局念係

畿疆重地救災之切百倍尋常無不飭屬倡捐廣爲勸募並籌鉅款先行墊解俾直省各河應堵漫口次第興工告竣各屬應放冬賑得以及時舉辦全活災黎不可數計實臣始願所不及自應將各省指捐直賑銀兩先行截數

奏報計自本年七月起截至十一月底止除漕運總督臣松椿福

州將軍臣希元閩浙總督臣卞寶第並候補臬司成孚廣西思恩

府劉恩濬陝州知州趙希會浙江廩生龐元濟已革廣東候補道

傳廣已革河南候補同知秦培等倡捐並勸集各鉅款業經先後

專摺奏請獎敘此外計收到奉天將軍總督臣裕祿捐銀一萬

兩原任兩江督臣曾國荃籌捐銀十萬兩四川督臣劉秉璋倡捐

並勸集銀七萬兩兩廣督臣李瀚章籌捐銀五萬五千七百兩浙

江撫臣崧駿籌捐銀十萬兩安徽撫臣沈秉成籌捐銀二萬兩江

西撫臣德馨山東撫臣張曜山西撫臣劉瑞祺湖南撫臣張煦各

籌捐銀一萬兩臺灣撫臣劉銘傳籌捐銀七千二百兩廣西撫臣

馬丕瑤籌捐銀六千兩兩湖督臣張之洞湖北撫臣譚繼洵倡捐

並勸集銀二萬零八百兩雲貴督臣王文韶雲南撫臣譚鈞培倡

奏稿七十

三

捐並勸集銀二萬零二百兩貴州撫臣潘霽捐銀二千兩陝甘督

臣楊昌濬倡捐並勸集銀二萬一千兩陝西撫臣鹿傳霖籌捐銀

一萬一千兩東河督臣許振禕江蘇撫臣剛毅各籌捐銀三萬兩

出使英法大臣薛福成捐銀一千二百兩署四川提臣錢玉興籌

捐銀八千零八十兩粵海關監督廣英籌捐銀六千兩前光祿寺

卿黎兆棠山海關道誠勳上海道聶緝槃前署津海關道孫士達

各捐銀二千兩廣東雷瓊道朱采捐銀四千兩廣東愛育堂捐銀

一萬四千四百兩香港東華鏡湖兩醫院共捐銀七千兩以上共

收銀五十九萬二千四百八十兩均經飭局兌收隨時撥放工賑

之用惟自冬徂春爲日甚長明年青黃不接之時尤須豫籌接濟

各河漫口雖已分別堵合而秋閒工作之時雨水夾隄艱於取土

明春須一律加培高厚方資捍禦且有正河及一二支河必須大

加疏濬並應添開減河始能分洩通暢竊計工撫兩項爲款仍屬不貲各省推廣賑捐雖經開辦尙未報解分毫嗣後如仍能踴躍輸將源源接濟臣斷不敢上煩

宵旰焦勞儻款少不敷分布屆時惟有奏乞

恩施以廣

皇仁而蘇民困至於各省疆臣並各司道籌解以上款項除福建陝甘臺灣並漕臣所捐銀兩內有指明分撥順天者已飭籌賑局詳請分解外其餘均係聲明順屬另行逕解專款指撥直賑或由各省自行請獎或由直查取官紳履歷造冊咨部核獎自應先行劃清界限以免輻輳此後如有勸辦推廣新捐解到再行酌量分撥順屬以資應用各省疆臣均能公忠體國慷慨恤鄰實於時局大有裨益應請

奏稿七十

三

聖恩將各督撫臣等先行交部從優議敘其有自捐之款並俟查明准其移獎子弟以示鼓勵勸捐出力之司道等統俟事竣奏請獎敘所有各省籌捐直賑銀兩先行截數奏報緣由理合恭摺具陳仰祈

皇上聖鑒敕部立案再各省捐解棉衣應與本省官商紳富捐賑銀數統俟彙齊再報合併聲明謹

奏

工賑收支數目摺

光緒十六年十二月十九日

奏爲查明光緒十四年七月至十六年五月籌辦工賑收支銀錢
米衣照案開單彙報仰祈

聖鑒事竊前因直屬成災地方辦理賑撫業將收支各款截至十
四年六月止開單

奏報經部議令造冊送部核銷因查直隸查放賑撫向係體察情
形變通成例酌量籌濟至挑築疏濬各工係招集少壯災民計口
授值或就地勸捐仍歸民辦或酌派各營幫同力作量予犒賞不
給方價工賞各項均係核實酌辦並無一定例章奏請仍照歷屆
奉准成案免其造冊奉

旨著照所請該部知道欽此欽遵在案伏查十四年夏秋之交連
朝大雨西北邊外山水陡發宛平房山等縣煤道沖斷永定河南

奏稿七十

三

二北上等汛漫口多處附近州縣田廬淹浸十五年秋長垣等處
又多遭水工賑並舉籌款維艱經臣咨商河南山東撫臣幫貼工
款並於藩庫及海防支應局酌提款項及本省外省勸集捐輸遴
派員紳分赴災區確查散濟一面將沖刷河隄各工擇要修治以
工代賑並調撥淮練各軍幫同挑辦酌給筐鉢之費聞有向歸民
辦之工亦經酌給津貼用示體恤應將收支銀錢米衣自光緒十
四年七月起至十六年五月止核實開報飭據籌賑局司道詳稱
上屆原存連此次新收各款內除專案奏銷外實計收用銀二十
八萬九千七十八兩二錢五分一釐五毫七絲三忽六微津錢六
萬二千六百九十二串五十五文漕米二萬七千九百七十七石大
米六千一百七十六石四斗粟米一萬一千三百六十五石九升
七合五勺棉衣四萬六千三百七件除支發外應存銀九千八百

四十兩四錢八分八釐四毫八忽六微津錢一千四百四十五串八十六文漕米四千七百九十石九斗四升五合大米一千二十六石四斗二升五合粟米一千九百三十五石七斗一升四合已歸十六年六月以後水災案內支用月行開報等情前來臣查此次辦理賑撫仍恪守定章凡有不急可省之費無不力加裁汰其應賑者先由州縣查明村莊災歎分數由府廳督同覆勘相符再派廉幹員紳確查戶口核實散放不假胥役之手災輕則口多糧少災重則口少糧多隔水泛舟行泥乘輻孤村荒落無敢或遺委員薪水川資由司局酌給毫無擾累復於天津及保定省城分設粥廠米廠留養貧民並給棉衣藥餌其遠來就食無力歸耕者則給籽種口糧遣回原籍俾安生業至各處隄河等工均揀派道府員紳與賑局司道擇要籌辦招集災黎就地備趁工賑兼施所用

奏稿七十

五

之款涓滴歸公臣與司道認真督察不准稍有弊混茲復詳加稽核委係實用實銷並無絲毫浮冒謹彙開清單恭呈御覽仰懇

天恩俯照歷屆奏准成案免造細冊以昭核實而免繁費理合恭摺具陳伏乞

皇上聖鑒訓示謹奏

謹將光緒十四年七月起至十六年五月底止籌辦災賑工
撫收發銀錢米糧棉衣數目核實開具清單恭呈

御覽

上屆報銷原存項下

一存銀十萬九千七百十三兩八錢三分九釐八毫一絲三忽六

微
津錢二萬一千七百九十四串三百五十文

漕米二萬七千九百七十七石

粟米四千三百九十九石七合五勺

棉衣一萬三千七百一十件

十四年秋冬收款

一收藩庫撥地糧銀三萬二千兩

奏稿七十

五

一收順天府尹撥發津貼西山修道銀二千一百九十七兩一錢一分

一收天津葛沽營田租大米八十八石二斗

一收提銀易換津錢三千串

一收采買粟米三千五百四十六石又大米二千石

十五年收款

一收本省外省官紳捐賑銀八萬六千八百四十五兩一錢八分七釐五毫六絲津錢一萬八十七串七百六十二文棉衣三萬二千五百九十七件

一收藩庫撥地糧銀二萬五千兩

一收清河道庫祿夫生息銀九百十五兩八錢七分六釐七毫又

滄沱河生息銀二千兩

一收河南幫貼培修長垣境內黃河北岸月隄等工銀一萬二百十四兩

一收天津海防支應局撥貨釐銀一萬六千七百六十五兩八分七釐三毫

一收天津葛沽營田租大米八十八石二斗

一收提銀易換津錢一萬一千八百八十串

一收采買粟米三千五百十石又大米四千石

十六年春收款

一收本省外省官紳捐賑銀二萬三千七百六十一兩六錢一分

七釐津錢一萬五千九百二十九串九百三十八文

一收山東幫貼挑挖四女寺減河工程銀五千兩

一收天津海防支應局撥貨釐銀三萬四千五百三十一兩五錢

三分四釐二毫

奏稿七十

三

以上原存新收共銀三十四萬七千九百四十四兩二錢五分二釐五毫七絲三忽六微內除提銀五千兩易換津錢一萬四千八百八十串已列收錢款又提銀二萬五千二百二十八兩二錢五分四釐采買大米六千石粟米七千五百六十石已列收米粟項下尙計原存新收銀三十一萬七千七百十五兩九錢九分八釐五毫七絲三忽六微內除永定河南二大工經費銀二萬八千六百三十七兩七錢四分七釐業經專案奏銷應行登除外實計收用銀二十八萬九千七十八兩二錢五分一釐五毫七絲三忽六微津錢六萬二千六百九十二串五十文漕米二萬七千九百七十七石大米六千一百七十六石四斗粟米一萬一千三百六十五石九升

七合五勺棉衣四萬六千三百七件

十四年秋冬支款

一鹽山縣饑民一千三百九十四戶折成六千六百七十五大口
半計發銀一千兩

一慶雲縣饑民三千三百四十戶折成九千九百六十二大口計
發銀一千兩

一天津縣饑民六千三百七十五戶折成一萬八千九百七大口
計發銀四千一百八十八兩七錢漕米八千一百十石

一固安縣饑民三千一百九十八戶折成八千八百四十三大口
計發銀二千七百三十九兩七錢六分三釐漕米七百石棉衣五
千件

一涿州饑民七百四十七戶折成一千七百五大口計發銀一千

奏稿七十

三

二百二十七兩五錢八分七釐

一良鄉縣饑民一千七百八十六戶折成四千六百七十七大口
半計發銀三千一百三十九兩六錢五分

一宛平縣饑民七十三戶折成一百九十三大口計發銀九十三
兩

一安州饑民六千二百三十八戶折成一萬八千六百四大口計
發銀一萬二千一百十四兩

一保定省城四關米廠收養饑民折成一萬三百二十二大口自
十四年十一月十六日開設起至十五年二月初十日撤廠止計
發銀二千兩大米一千四十四石九斗六升粟米一千五百八十
七石一斗五升棉衣九千件

一天津郡城粥廠收養饑民折成八千六百七十一大口自十一

月初一日開設起至十五年二月初八日撤廠止又修蓋廠房添置器具並柴薪鹽菜資遣等費計發津錢一萬八千一百二十一串一百十二文粟米四千七百三十四石三斗二升一合五勺棉衣六千七百二件

一保定省城棲流所養病堂寶直局經放貧民二千二百九十六口計發漕米一百十二石三斗二升五合粟米八百六十四石九斗二升三合五勺

一天津廣仁堂經放貧民一千七十一口計發大米八十八石二斗棉衣七百件

一天津守望局經放貧民棉衣五千二百六十六件

一京都廣仁堂經放貧民棉衣一千件

一各州縣查放賑撫勘工監兌委員薪水盤費等計發銀九百八

十二兩

奏稿十七

五

一宛平境內西北山中修道自黃石港起柴廠村止共長一萬七百四十三丈六尺均寬四尺至一丈五尺高深二尺至二丈不等計發銀一萬一千一百九十七兩一錢一分

一霸州靜海境內培修中亭河隄工共長一千八百九十一丈頂寬八尺至一丈底寬二丈至三丈高四尺至六尺不等計發津錢四千二百七串八十二文

十五年春支款

一天津境內賈家沽河加寬濬深工長三千七百三十二丈五尺口寬六丈至十丈底寬二丈七尺至五丈深八尺至一丈不等計發銀一萬四千八百七十二兩一錢三分八釐四毫津錢四千九百九十八串一百三十四文

一通州境內平家疇湖白河險工抽溝其長九百六十七丈五尺
口底均寬一丈二尺至九丈深二尺至八尺又鑲築壩埽其長四
百五十一丈均寬一丈至九丈高二尺至一丈一尺不等計發銀
四千八百八十三兩四錢九分八釐

一祁州安平博野雄蠡高陽任邱境內瀦龍大清趙王等河裁灣
取直濬深等工其長三百九十丈口寬十丈至十二丈底寬五丈
至六丈深六尺至一丈一尺險要處鑲築壩埽其長一千八十六
丈均寬六尺至一丈加高二尺至一丈不等計發銀一萬二千八
百三十九兩一錢四分六釐七毫漕米七百石

一長垣境內黃河北埧月隄後餞土格培修等工其長四千一百
六十七丈頂寬二丈至四丈底寬六丈至八丈高四尺至一丈一
尺又桑園村添築壩埽其長四百八十七丈均寬二丈至九丈高

奏稿七十

完

深四尺至三丈不等計發銀二萬八千八十三兩一分津錢二千
六百五十八串一百十文漕米四千一百七十三石七斗三升
一永定河麻袋月夫兵飯食等項計發銀三千九百三十八兩七
分三釐九毫

一永定河求賢灰壩加高面抹塞門德土龍骨寬二十一丈進深
五丈迎水簸箕外寬二十五丈進深四丈出水簸箕外寬二十九
丈五尺進深十二丈又加培減河兩岸隄埧工長一千五百七十
一丈二尺寬一丈至五丈高一尺至五尺五寸不等計發銀九千
五百五十兩八錢三分一釐六毫五絲漕米一千一百七十石
十五年秋冬支款

一天津縣饑民六千三百三十九戶折成二萬四百十五大口半
計發銀六千二百十四兩三分五毫六絲

一鹽山縣饑民四千八百六戶折成一萬二千四百四十九大口計發銀三千兩

一青縣饑民二千四百七戶折成七千六百九十六大口計發銀一千一百九兩七錢四釐

一靜海縣饑民二千七百十二戶折成八千五百八十四大口計發漕米九百石

一滄州饑民三千九百四十三戶折成一萬三千五百十二大口計發津錢五千四百四十三串八十文

一南皮縣饑民三百八十五戶折成九百七十六大口計發銀六百四十二兩一錢三分津錢八百七串八百文

一獻縣饑民二千八百八十三戶折成九千五百四十五大口半計發銀二千兩

奏稿七十

四

一吳橋縣饑民一千三十戶折成二千七百十九大口半計發銀四百兩津錢四百串漕米七百石

一東光縣饑民五千九十七戶折成一萬八千四百五十一大口半計發銀五千六百兩

一安州饑民三千三百十戶折成九千七百八十三大口半計發銀三千兩漕米五千二百二十石

一保定縣饑民一百一戶折成五百九十大口計發銀二百兩

一大城縣饑民三千一百二十七戶折成一萬六千六百四十一大口計發銀一千兩

一薊州饑民一千戶折成四千四百十九大口計發銀一千兩

一保定省城米廠收養饑民折成九千三百三大口自十一月十六日開設起至十六年二月十五日撤廠止計發銀二千兩大米

二千五百十四石四斗四升五合棉衣四千件

一天津郡城粥廠收養饑民折成五千七百八十九大口自十一月十三日開設起至十六年二月十四日撤廠止又修蓋廠房添置器具並柴薪鹽菜資遣等費計發津錢一萬一千二百六十二串七百十八文粟米一千七百十四石八斗七升三合五勺棉衣八千七百九十九件

一保定省城棲流所養病堂寶直局經放貧民四千三百十六口計發大米一千四百十四石一斗七升粟米五百二十八石一斗一升五合

一天津廣仁堂經放貧民一千八十口計發大米八十八石二斗棉衣七百件

又守望局經放貧民棉衣四千一百四十件

奏稿七十

聖

一京都廣仁堂經放貧民棉衣一千件

一各州縣查放賑撫勘工監兌委員薪水盤費計發銀二千七十四兩

十六年春支款

一天津縣饑民一千九百七十六戶折成六千三百六十七大口半計發銀一千二百兩津錢五千八百八十串六百八十文

一靜海縣饑民七百六十三戶折成二千六百七十五大口半計發銀一千兩

一獻縣饑民二千八百七十六戶折成九千四百六十二大口計發銀二千兩

一東光縣饑民二千九十七戶折成八千四百四十五大口半計發銀三千三百十八兩六分一釐

一安州饑民四千七百五十六戶折成一萬二千四百三十二大口計發銀八千二百八十八兩

一文安縣饑民一千三十八戶折成三千五百七十一大口半計發銀七百兩

一保定縣饑民一百一戶折成五百九十一大口計發銀二百兩

一直東四女寺減河擇要疏濬工長三千九百八十八丈三尺口寬

八丈至十七丈四尺底寬四丈至十五丈二尺深一丈至一丈四

尺添築滾水灰壩工長十五丈八尺頂寬五尺底寬四丈高三尺

六寸迎水簸箕長七尺五寸出水簸箕長二丈八尺五寸又築草

壩共長二十一丈一尺均寬九尺至一丈六尺高一丈七尺至一

丈八尺五寸不等計發銀一萬一千四百六十一兩八錢七分

一東光南皮滄州鹽山境內宣惠河擇要疏濬工長一萬八千七

奏稿七十

聖

百七丈口寬五丈五尺至六丈二尺底寬三丈至四丈五尺深二

尺四寸至六尺三寸不等計發銀一萬一千六百八十四兩四錢

津錢二千七百六十七串三百八十文

一饒陽獻縣河間境內滹沱溢陽子牙等河兩岸隄埝擇要培修

共長七千八百五十一丈頂寬一丈至一丈七尺底寬二丈二尺

至五丈八尺高二尺至六尺又李謝等處挑淤共長四百七丈一

尺均寬三丈至十丈深二尺至五尺又添鑲埽段共長四百六丈

二尺均寬七尺至二丈三尺加高二尺至一丈六尺不等計發銀

一萬四千九十三兩一分四釐津錢四千一百八十三串一百六

十八文漕米四百石

一天津境內陳家溝金鐘河挑淤工長七千四百四十二丈口寬

十丈至二十丈底寬五丈至十四丈深六尺至一丈一尺不等計

發銀四萬九千七百六十六兩六錢二分九釐四毫

又鳳河下游挑淤工長三千三百七十九丈八尺口寬五丈八尺至七丈七尺底寬五丈六尺深一尺至五尺不等計發銀六千三百七十六兩九錢八分六釐三毫五絲五忽漕米一千石

又霍家嘴減河頭建滾水石壩龍骨寬十五丈二尺進深三丈迎水簸箕外寬十七丈進深二丈一尺出水簸箕外寬十八丈進深七丈兩金牆各高一丈計發銀一萬六百四十五兩三錢八分七釐津錢四百五十九串七百分

一薊州境內擇要培修薊運河隄工長三百十四丈築成頂寬一丈至二丈底寬四丈至十丈高五尺至一丈八尺不等計發銀一千五百四十八兩津錢四十八串文

奏稿七十

望三

一安平博野雄蠡高陽任邱境內瀦龍大清等河險處鑲築埽壩

共長一千六百三十二丈均寬五尺至一丈二尺加高一尺至一丈又蠡縣劉家營裁灣取直河工長一百七十四丈口寬十丈底寬四丈深一丈計發銀一萬八百七十兩三錢四分二釐

一永定河麻袋月夫兵飯食等項計發銀三千九百九十六兩七錢二毫

以上統共支發賑撫銀二十七萬九千二百三十七兩七錢六分三釐一毫六絲五忽

津錢六萬一千二百四十六串九百六十四文

漕米二萬三千一百八十六石五升五合

大米五千一百四十九石九斗七升五合

粟米九千四百二十九石三斗八升三合五勺

棉衣四萬六千三百七件

應存項下

計存銀九千八百四十兩四錢八分八釐四毫八忽六微

津錢一千四百四十五串八十六文

漕米四千七百九十石九斗四升五合

大米一千二十六石四斗二升五合

粟米一千九百三十五石七斗一升四合

奏稿七十

四

李文忠公奏稿卷七十

李文忠公奏稿

卷之七十一目錄

請獎法外部戈可登片 光緒十七年正月二十一日

學堂洋教習請獎片 光緒十七年二月初一日

海防報銷摺 光緒十七年二月十六日
附清單

覆奏七里莊開河窒礙摺 光緒十七年二月二十六日

衛汝貴丁憂留營摺 光緒十七年二月二十六日

潘祖蔭請建祠片 光緒十七年二月二十六日

各洋員請獎片 光緒十七年二月二十六日

改永定河口並修鳳河摺 光緒十七年三月初五日

修濬青龍灣片 光緒十七年三月初五日

戰艦加費片 光緒十七年三月初五日

奏稿七十一目錄

修辦居庸溝道摺 光緒十七年三月十九日

奏留劉含芳片 光緒十七年三月十九日

冷慶請卹片 光緒十七年三月十九日

奏保沈保靖片 光緒十七年四月初一日

張樹屏請卹摺 光緒十七年四月初一日

出洋巡閱摺 光緒十七年四月初六日

請緩鹽課奏銷摺 光緒十七年四月初六日

津貼剝船摺 光緒十七年四月十五日

應寶時請建祠片 光緒十七年四月十五日

桐城吳汝綸編錄

請獎法外部戈可登片

光緒十七年正月二十一日

再據前駐津法國總領事林椿函稱該國外部協理大臣戈可登於光緒十二年三月間在津會商訂立越南商務條款迨回國後仍管理中法交涉事宜上年因輪船招商局曾在越南海防順安兩處置造房產被法兵佔燬經臣照會案賠推延未結臣囑林椿轉致戈可登力為措置允認賠十萬元分年繳清足見戈可登遇事出力於兩國睦誼有裨求為奏懇

賞給寶星以示褒寵等因林椿調署駐京使臣後屢函催辦臣查戈可登現充法國外部協理大臣前在華與總理衙門王大臣及臣往來甚為投契訂立商約並議賠招商局房產均能公平辦結

奏稿七十一

顧全大局既據林椿代為籲陳相應請

旨照章賞給戈可登二等第一寶星由臣製備照會該署使轉寄收領並由總理衙門就近繕發執照徑送法國使署轉寄以資鼓勵而昭友誼除咨會總理衙門外理合附片具陳伏乞

聖鑒訓示謹

奏

學堂教習請獎片

光緒十七年二月初一日

再查北洋武備學堂所延德國兵官李喜脫敖耳兩員光緒十三年由出使大臣募充教習迄今已閱三年課導盡心不辭勞瘁肄業生徒講求軍事均通新法成效昭然又德員艾德在堂最久教授幼生西國語言文字及一切鎗礮技藝測算繪圖各學並無曠誤前次合同期滿曾經奏蒙

賞給四等寶星現又續留三年期滿該洋員等當差勤奮不無微勞足錄據管理武備學堂候選知府聯芳等具稟前來合無仰懇天恩俯准

賞給洋教習李喜脫敖耳兩員三等第一寶星艾德守備職銜以示獎勵除寶星俟奉

旨後由臣飭令製給並咨總理衙門繕給執照外理合附片具陳

奏稿十一

二

伏乞

聖鑒訓示謹
奏

奏爲北洋海防經費光緒三十四兩年收支各款分造清冊並開清單報銷仰祈

聖鑒事竊北洋海防用款前經總理各國事務衙門會同戶部奏明由督辦大臣咨報總理衙門戶部查核嗣於光緒九年八月部議應三部分銷業經循照辦理已造報至十一十二兩年止所有十三十四兩年收支各款應卽接續造報飭據海防支應局司道詳稱前已將新支用款照章造冊繕單奏咨立案聲明舊有支款無庸再行立案今計三十四兩年舊管項下截存銀六十二萬五百九十六兩零新收各省關解到釐稅銀一百八十七萬八千八百五十三兩零又補收十五年各省關找解十三十四兩年釐稅銀二十三萬七千二百五十六兩零山東省解還鎮中等蛟船

奏稿七十一

三

經費並各省解還領用軍火價銀六萬九千九兩零淮軍餉內協撥造子薪糧銀二萬三千五百九十一兩零電報信資銀一萬二千九十二兩零扣收京平平餘銀六萬三千二百二十二兩零十一十二兩年兵部銷冊內劃歸戶工兩部核銷銀三百八十五兩零共新收銀二百二十八萬四千四百一十一兩零連舊管合銀二百九十萬五千七兩零除派員赴英德兩國接帶新造四快船回華經費不敷銀四萬五千三百八十八兩零又由英廠訂購出海魚雷艇並配齊雷礮等價及回華用款不敷銀七千一百八十九兩零業經分案造報准銷又蠶池口教堂遷費銀四萬兩前經奏明於銷案內就款開除又旅順船塢添建攔潮石壩經費不敷銀七萬四千六百六十四兩零前經奏明歸入洋匠德威尼包建鴨工壩工案內造報又解海軍衙門三十四兩年扣存京平平餘銀

六萬三千二百二十二兩零在應領鎮遠等七船新糧內劃抵已歸入七船案內列收造報共登除銀二十三萬四百五十五兩零實計兩年收用銀二百六十七萬四千五百五十一兩零開除項下應歸戶部核銷銀六十萬四千一百九十二兩零兵部核銷銀八十四萬七千四百二兩零工部核銷銀一百十四萬三千二百三十四兩零其餘銀七萬九千七百二十一兩零已接支十五年以後用項無存循案造具三部分銷細冊收支四柱總冊開具款目清單詳請奏咨核銷前來臣查北洋海防經費原定歲撥各省關稅釐銀二百萬兩嗣因釐金解數短絀經臣奏明按八成減解仍解不足數連關稅併計歲僅得銀一百五六十萬兩迨經海軍衙門編列北洋海軍除鎮遠等七船薪餉及煤修等費並四快船洋員薪飯歲需銀六十萬餘兩奏定赴海軍衙門請領轉發專案

奏稿七十一

四

造報外其餘常年額支各款由海軍衙門歲撥各省關稅釐銀一百餘萬兩徑解北洋以供計授要需凡添購大批軍火及興建臺壘等項工程難以預計皆不在內惟自光緒十一年勅設海軍欽奉

懿旨逐漸擴充歷久勿懈至十四年規模粗具經海軍衙門奏定章程令自十五年正月開辦凡防務所不容緩者不得不次第經營力求周備此後海軍應辦各事需費正繁歲撥之款僅足供額支之用如遇必須添購要件添建要工不在歲撥數內者苟可就款勻籌自當由外酌辦儻實無可騰挪再行查照奏定海軍章程隨時咨商海軍衙門妥籌核辦至海防係參用西法一切支款並無例案可循亦非他項軍需可比業於立案文冊內將應辦各項實在情形詳細聲敘值此時艱餉絀每遇興工購料製器用人臣

無不督同在事各員審察再三可省則省至訂購外洋軍械器具其價目多寡尤必諮訪比核務求撙節不使絲毫濫費茲將三十四兩年用款逐加覆核委係實用實銷並無絲毫浮冒除各冊分送戶兵工三部外理合開具簡明清單恭摺具陳伏乞

皇上聖鑒敕部查核准銷謹

奏

謹將北洋海防經費自光緒十三年正月日起至十四年十二月底止收支款目繕列清單恭呈

御覽

舊管項下

一光緒十二年底截存銀六十二萬五百九十六兩零

新收項下

光緒十三年分

一收湖北省釐金銀三十一萬兩

一收浙江省釐金銀十四萬兩

一收江西省釐金銀三萬兩

一收浙海關一百五結至一百八結四成一半稅銀十四萬七千五百八十九兩零

奏稿七十一

六

一收江海關一百五六兩結四成一半稅銀十五萬九千三十七兩零內一百六結短解銀一萬兩於十四年找解清楚

一收山海關一百七結至一百九結四成全稅銀十萬九百兩零

一收山東省解還墊發光緒十一十二兩年鎮中鎮邊兩蚊礮船經費銀四萬四千四百七十三兩零

一收山海關道解還營口練勇領用北洋防費項下購造呷啫士得哈乞開思鎗子并鉛丸價銀一千三百四十七兩

一收山東平度州礦務局領用北洋防費項下購存氏那米脫炸藥價銀五百九十九兩零

一收甘軍領用北洋防費項下購存操鎗藥卷皮紙價銀一百兩

一收部撥毅左軍領用北洋防費項下購存軍火價銀八千五百八十八兩零

一收河南省解還毅軍領用北洋防費項下購製鉛丸價銀五百十五兩零

一收淮軍報銷局光緒十三年第十六案撥銷行營製造局造子匠工及幫辦人等薪糧銀一萬二千九十六兩零

一收電報官局呈繳光緒十三年商報信資銀五千二百八十七兩零

一收光緒十一十二兩年兵部銷冊內劃歸戶部核銷柴草價腳工部核銷棧租房費及駁船油艙銀三百八十五兩零

一收北洋防費項下光緒十三年遵照海軍衙門新章改按京平核發各款扣回平餘銀三萬二千一百五十八兩零

光緒十四年分

一收湖北省釐金銀二十二萬兩又十五年找解十四年分指撥

釐金銀四萬兩共收銀二十六萬兩

奏稿七十一

七

一收浙江省釐金銀十八萬兩

一收江西省釐金銀四萬兩又十五年找解十三年分指撥釐金銀五萬兩共收銀九萬兩

一收江海關一百六結至一百一十一結四成一半稅銀三十六萬八千二百五十三兩零又十五年找解十四年分一百一十二結四成一半稅銀八萬四百十五兩零共收銀四十四萬八千六百六十八兩零

一收浙海關一百九結至一百一十二結四成一半稅銀十一萬九千四百八十八兩零又十五年找解十四年分一百一十三結四成一半稅銀三萬二千二百十六兩零共收銀十五萬一千六百三十四兩零

一收山海關一百十結至一百十二結四成全稅銀六萬三千六百五十五兩零又十五年找解十四年分一百十三結四成全稅銀三萬四千六百二十四兩零共收銀九萬八千二百八十兩零

一收山東省解還墊發光緒十三年鎮中鎮邊兩蚊礮船一半經費銀一萬一千七百五十三兩零

一收機器局由部領回扣存吉林軍火價內應還北洋防費項下購造鉛丸價銀七百三十四兩零

一收山東平度州礦務局領用北洋防費項下購存氏那米脫炸藥價銀五百九十九兩零

一收熱河礦務局領用北洋防費項下購存氏那米脫炸藥價銀二百九十九兩零

一收淮軍報銷局光緒十四年第十七案撥銷行營製造局造子

奏稿七十一

八

匠工及幫辦人等薪糧銀一萬一千四百九十五兩零
一收電報官局呈繳光緒十四年商報信資銀六千八百四兩零
一收北洋防費項下光緒十四年遵照海軍衙門新章改按京平核發各款扣回平餘銀三萬一千六十三兩零

以上新收共銀二百二十八萬四千四百一十一兩零

管收二項共銀二百九十萬五千七兩零內除撥發派員赴英德兩廠接帶訂造四快船回華經費不敷銀四萬五千三百八十兩零又撥發訂購英廠出海魚雷艇並配齊雷礮等價及回華用款不敷銀七千一百八十九兩零均經專案造報奉部准銷又撥發蠶池口遷移教堂經費銀四萬兩業經奏明在於北洋銷案內就款開除又撥發旅順船塢添造欄潮石壩經費不敷銀七萬四千六百六十四兩零業經奏明

歸入旅順鴨壩工程案內造報請銷又撥解海軍衙門十三十四兩年北洋防費項下應按京平扣發各款平餘銀六萬三千二百二十二兩零業經詳請劃抵鎮遠等七船次年薪餉以上五款共應登除銀二十三萬四百五十五兩零計實收銀二百六十七萬四千五百五十一兩零

開除薪糧及雜支項下

一直隸提督辦理海防隨帶員弁薪糧銀五千二百三十一兩零
一北洋水師統領及隨帶員弁薪糧公費銀一萬九千四百六十一兩零

一大沽水雷營官弁人等薪糧柴草辛工公費加餉銀三萬四千三十五兩零

一北塘水雷營官弁人等薪糧柴草辛工公費加餉銀一萬八千五兩零

奏稿七十一

九

一山海關水雷營官弁人等薪糧柴草辛工公費加餉銀一萬五千六百四十四兩零

一旅順口水雷營官弁人等薪糧柴草公費飯贍加餉銀二萬一百八十八兩零

一旅順口魚雷營及魚雷局廠官弁人等薪糧公費銀四萬九千八百十四兩零

一旅順口工程局員弁人等薪糧公費銀一萬三千八百三十兩
一水師學堂官員教習學生人等薪工飯贍公費銀五萬九千二百八十三兩零

一武備學堂官員教習學生繙譯人等並操馬三十四匹薪工飯贍公費馬乾銀五萬八千六百八十五兩零

一大沽水師船陽總辦教習委員司事人等及添雇短工薪工公費銀十一萬一千四百九兩零

一電報總分各局並報房棧房原設十六處嗣經更定計設十四處員司學生巡役人等薪工公費房租銀三萬四千七百四十八兩零

一天津行營製造局造子廠員司匠工人等薪工銀二萬三千五百九十一兩零

一大沽礮船公所旅順威海兩煤廠水師子彈火藥兩庫及劉公島水師機器廠司事夫役匠工人等薪工公費銀一萬六千二百九十二兩零

一旅順口軍械局軍械庫及經理電光燈官弁等薪糧公費銀一萬一千三百三十八兩零

一武備學堂挑赴旅順學習礮臺水雷各藝學生人等薪飯銀二千五百七十九兩零

奏稿七十一

十

一旅順威海水師兩醫院官醫人等薪工銀一千一百五十三兩零

一水師營務處委員繙譯學生等及水師公所薪水公費銀一萬二千一百四十五兩零

一會辦行營製造局隨辦洋務及洋鎗隊教習練軍繙譯並海軍房書吏薪水津貼銀五千四百二十三兩零

一船政衙門調赴北洋差遣學生薪水及由閩來津川資銀二千三百四十一兩零

一水師學堂武備學堂練軍營魚雷營礮臺工程濬澳指泊及水陸各營洋號等項教習洋員薪水川資銀六萬八千九百七十四

兩零

一水師各船雇募水雷洋教習洋醫又水師各船及武備學堂遣撤洋教習川資銀五千九百六十九兩零

一英人敦約翰前赴西洋辦理蠶池口遷移教堂一案應需川資及因公用款共找支銀二千三百五十兩零

一洋員李寶等並繙譯新飯房費馬乾及回國川資銀八千二百九十四兩零

一新城葛沽練軍營拉礮車馬乾銀七百三十八兩

一旅順口建造魚雷營局艇臺並洋教習住房又劉公島添建操棚廠庫及水師醫院等項共購民地九十九畝零地價及籽種工本銀二千六百二十三兩零

一光緒十一十二兩年北洋銷冊內兵部劃出統領正定練軍總

奏稿七十一

十一

兵葉志超由山海關駁運赴援朝鮮臺灣弁勇購用烘冰柴草價腳銀三十九兩零

以上應歸戶部核銷

開除養船及運保費項下

一鎮北等六蛟礮船管駕人等薪糧公費藥資銀十四萬四千二百二十四兩零

一超勇揚威兩快船管駕人等薪糧公費藥資銀十三萬五千九百五十二兩零

一威遠康濟兩練船管駕人等薪糧公費藥資銀九萬八千四百七十二兩零

一水師各船鎗礮正副教習並威遠練船學生聽差伙夫及水師添練頭二三等水手薪糧銀六萬一千七百四十兩零

一水師屯船督操並督船大二副正副管旗操練營務處及試用候差學生隨帶官醫生軍樂樂童薪糧公費藥資銀二萬三千四百七十七兩零

一利運運船敏捷夾板練船犀照水雷小輪船管駕人等薪糧公費銀四萬二千二百七十二兩零

一左右隊大魚雷艇六艘管駕人等薪糧油燭銀六萬八千八百五十四兩零

一守雷下雷桿雷小輪船三艘管駕人等薪糧公費銀一萬二千七百四十四兩零

一快馬小輪船管駕人等並操江輪船醫士薪糧公費銀一萬五千五兩零

一利順遇順拖輪兩艘管駕人等薪糧公費銀一萬六千八百七十三兩零

奏稿七十一

十一

一導海機器挖泥船並接泥船等管駕人等薪糧銀三萬一千六百二十兩零

一北洋水師副統領督銜洋員琅威理暨水師各教習洋員又添雇水雷及新購魚雷大快艇教習洋員薪水銀十四萬五千七百四兩零

一北洋水師各船及魚雷水雷各營病故員弁水手雷兵人等卹賞銀四百十三兩

一軍械局起卸裝運礮位軍火器械車船夫力銀五百三十五兩零

一武備學堂添練馬隊購操馬三十四價銀四百二十七兩零

一武備學堂旅順魚雷營學生雷兵等乘坐兵船出海操練津貼

伙食銀四百十九兩零

一辦理朝鮮通商交涉事宜道員袁世凱領仁川口駁運水師儲備塊煤又天津軍械局委解神機營鎗礮子彈銅帽等項損駁車船等價銀九百九十四兩零

一光緒十三年定購德國克鹿卜廠九生脫後膛鋼礮並礮架子藥車子彈又購英國阿模士莊廠水師備用單管馬克綏姆礮並礮架鋼鐵炸彈又購德國克鹿卜廠十生脫半後膛鋼礮並礮架隨件引火子母彈鋼開花彈又購沿海各礮臺需用測遠器又購英廠威布烈六出鍍銀上等手鎗配帶零件合膛子彈又購英德兩廠仿造荷乞礮子機器及仿造運礮子裝炸藥器具又購德國伏爾鏗廠導海挖泥輪船備換斗輪等項器具又購操習魚雷應用水衣汽表氣箭轉數表電光燈及修理魚雷器具又購英廠旅

奏稿七十一

十三

順水雷營操防應用雷電器具並各項料物運保等費銀一萬八千九兩零

一光緒三十四兩年冬季北洋水師統領提督丁汝昌統率各船操巡南洋因公電報又出使德國大臣代北洋訂購洋廠礮械及因公發遞電報費銀一千三百七十七兩零

一招商局及洋商輪船承裝礮位子彈並壓汽機測量表斗扣鋼拴料物等件由上海運至天津煙臺等處水腳銀二千五百五十一兩零

一光緒十四年定購德國克鹿卜廠七生脫半新式過山礮並礮架藥彈箱車備換礮門並零件又十五生脫生鐵開花彈二十一

生脫生鐵開花彈硬鐵炸彈二十四生脫生鐵開花彈又康濟兵輪改作魚雷練船由英德兩廠定購新式電機電燈雷礮魚雷壓

氣機燐藥管又購克鹿卜十二生脫口徑新式後膛長鋼礮並架座備件子母彈開花彈共支運腳保險等費銀二萬九百三十八兩零

一大沽船陽三十四兩年分撥發水師輪船煤斤駁費銀四千八百五十一兩零

以上應歸兵部核銷

開除采買及修製項下

一購德國克鹿卜廠十生脫半新式後膛鋼礮並礮架隨礮備件鋼開花彈又購克鹿卜廠七生脫半新式過山礮並礮架藥彈箱車備用礮門零件又十五生脫生鐵開花彈二十一生脫生鐵開花彈硬鐵炸彈二十四生脫生鐵開花彈又購沿海各礮臺需用測遠器找價銀七萬六千七百十九兩零

奏稿七十一

十四

一旅順水雷營購操習水雷犀照小輪船價銀三千四百兩

一購英國阿模士莊廠新式四十磅子後膛全鋼快捷大礮並隨帶架具零件全份硬質彈銅火引銅子壳牛油氈墊又購配蚊礮船邊礮後門鋼底又購威布烈六出鍍銀上等手鎗配帶零件合膛子彈價銀五萬八千三百七十七兩零

一購英德兩廠仿造荷乞礮子機器又仿造運礮子裝炸藥器具價銀一萬一千八百九十九兩零

一北洋水師由英廠購置輪機電燈及備用各件並算法書籍畫圖器具等項又由德廠訂購操習魚雷應配水衣氣表氣筒轉數表電光燈又修理魚雷器具又購英國官製中國海圖各國海圖操礮書價銀九千五百二兩零

一由德國伏爾鏗廠訂購導海挖泥輪船備換斗輪等項器具價

值棧租銀四千二百五十三兩零

一大沽旅順水雷營由英廠及津滬各洋行定購操防應用雷電器具並各項料物價銀一萬一千四百三十兩零

一水師學堂購辦挑上練船學生並教練魚雷應用洋廠儀器書籍圖紙筆墨並鋼鐵各件價銀一萬二千五百十二兩零

一武備學堂訂購德廠新式測遠鏡並架座零件又購化學需用器具藥物及工程隊需用長柄洋鋤價銀一千一百十兩零

一大沽船塢購鍋鑪大汽錘起重白油棧繩鐵練價銀三千四百二十九兩零

一天津軍械局旅順工程局訂購北洋建築臺壘庫廠等工需用塞門德土又旅順口沿海各礮臺及軍械各局訂購雙軌鐵路鐵車連鐵墊板鐵轉盤螺絲鉚釘魚尾夾板及零件十寸圍白樑大

奏稿七十一

十五

力繩價銀四萬三千四百七十八兩零

一購克鹿卜廠十二生脫口徑新式後膛長鋼礮並架座備件子母彈開花彈價銀二萬一千四百三十五兩零

一水師學堂領用機器局各項料物器具並購測遠儀器價銀二千二百六十九兩零

一由洋廠訂購旅順口停泊鐵甲鋼快等船需用繳關大錨又製造浮鼓鐵板價銀二萬二千七百九十七兩零

一康濟兵輪改作魚雷練船由英德兩廠定購新式電機電燈雷礮魚雷壓氣機燐藥管及一切器料價銀四萬六百八十六兩零

一購海防各營操鎗需用洋皮紙青鉛並鑄鉛丸鉛箭及製木箱等項價銀一萬九百九十八兩零

一撥行營製造局仿造呔啫子得鎗子及格林礮子彈經費銀九

萬六千四百九十七兩零

一撥旅順口魚雷營添購修製魚雷零星料件經費銀七千七百

十九兩零

一撥電報官局電綫歲修及購辦應用零件經費銀七千八百八

十三兩零

一大沽船陽改造敏捷夾板練船並添配帆索錨纜及一切應用

器具料價銀七千九百三十九兩零

一光緒三十四兩年超勇等五船購備常年操巡應用料物器

具又劉公島水師機器廠購備常年修製應用料物器具又旅順

口導海挖泥各船購備常年濬澳應用料物器具又旅順魚雷營

雷艇雷廠常年工操需用大批料物器具價銀八萬一千四兩零

一光緒三十四兩年製賞各洋員三四五等金銀寶星並佩帶

木匣等件工料銀四百六十一兩零

奏稿七十一

十六

一光緒三十四兩年大沽船陽承修超勇等船並添置備用各

件料價銀三萬六千一百三十一兩零

一光緒三十四兩年冬季超勇揚威康濟威遠四快船及左隊

一號魚雷快艇赴上海祥生洋廠及閩廠修配改造並添置各件

工料銀五萬五千六十三兩零

一駐防山海關正定練軍操演格林礮車仿造洋式五馬鞍轡又

天津軍械局修理兵鎗並購配鎗箱白洋鐵皮又製配車礮用裝

藥皮盒等又山海關水雷營歷年修理操雷平底大船工料銀一

千二百五十三兩零

一武備學堂仿造洋式行軍輕氣球又購操球鋸水又山海關水

雷營添製操雷需用各種架座箱盤等件工料價銀四千三百二

十七兩零

一大沽船塢承造水陸各營需用大小舢板並各營領取各件又旅順工程局改修卸重木駁船並購起重金山松木工料價銀三千五百九十八兩零

一旅順口嶗嶗嘴建築大礮臺並子藥庫糧食器具庫跟房礮房臺門根牆官兵住房工料我價銀二萬二千七百二十七兩零

一大沽船塢建造收皮蚊礮船土塢工料我價銀一萬八千三百三十四兩零

一北塘搭造浮橋調用天津道運漕滿料駁船應繳變價銀三百六十兩

一天津水師學堂添建魚雷小廠煙囪泊岸水井煙煤圈工料銀二千二百九十二兩零

奏稿七十一

七

一大沽海口防營添建存儲攔港輓木筏及錨鍊等件廠庫圍牆又修理大沽海口蚊礮各船存儲軍械公所工料銀三千二百四十四兩零

一威海衛劉公島勦造水師運煤鐵碼頭並配設應用各項器具及廠庫等項又建設北洋水師練勇操棚學堂廠庫並大小住房操場石圍牆石泊岸土坡工料銀十八萬七千八百二十三兩零

一旅順水雷營添建棉藥庫看庫住房圍牆又魚雷營添建收藏艇陽石泊岸廠庫又添建洋教習住房並營門城樓看煤住房及弁兵廚房開挖水井又建設燈塔並存油及看燈人住房工料銀二萬一千四百三十八兩零

一天津武備學堂添建行營小礮臺工料銀一百二十九兩零

一旅順口白玉山威海衛劉公島各建水師醫院一所內白玉山

大小房屋五十五間並單棚圍牆劉公島大小房屋一百八間並走廊院牆圍牆工料銀二萬七千五百十兩零

一旅順口改建操礮學生及洋教習學堂住房圍牆又嶗嶗嘴北山添築小礮臺子藥庫官房兵房營門更房石臺門塊石各牆暗涵洞又饅頭山城頭山兩礮臺添築護牆並添建子藥庫改造礮盤添改兵房又轡子營礮臺添築護牆並添建藥庫講堂巡房及移建兵房又威遠礮臺添築石牆並添建子藥零件庫改築礮盤兵房又虎尾礮臺添築石牆操場臺階泊岸並改造藥庫兵房又西岸各礮臺添造拉礮石泊岸大道枝路木橋工料銀二萬五千八百五十九兩零

一光緒十一十二兩年北洋銷冊內兵部劃出三艦管輪人等在香港候船房費並山海關防營津貼駁船油艙及招商局存鎗棧租銀三百四十六兩零

奏稿七十一

六

一快馬及守雷下雷小輪船冬令守凍包紮船面及搭蓋住棚需用繩蓆等項工料銀一百五十兩零

一光緒十三十四兩年軍械局製造龍旗又大沽北塘旅順口山海關等四處水雷營及旅順魚雷營製給雷兵水勇人等各項號衣褲包巾腰帶戰靴旗幟等件工料銀九千九百八十二兩零

一光緒十三十四兩年武備學堂製給學生及洋號洋鼓兵丁各項號衣褲號帽戰靴等件工料銀二千七十兩零

一光緒十三十四兩年北洋水師統領製給各兵輪舵工水手升火管旗匠役練勇人等冬季例賞棉號衣褲及新募練勇應給一次單夾號衣褲號帽包巾腰帶戰靴又隨帶駕駛管輪學生春夏冬三季官號衣褲靴帽等件工料銀七千七百四十兩零

一水師學堂製給派上練船學生旅順口水陸營務處製給操礮學生各項號衣褲號帽戰靴行囊等件工料銀八百九十二兩零
一大沽防營並各雷艇領操礮位又駐防大沽北岸保定練軍左營領操石頭縫礮臺礮位又北塘防營領操礮位又義勝營駐守鯉頭沽臺牆領操礮位又新城葛沽營領操礮位又正定練軍駐防山海關甯海城鐵門關長龍崗等處礮臺領操礮位又旅順口東岸黃金山礮臺領操礮位又護軍營駐守旅順口東岸人字牆領操礮位又護軍營駐守旅順口東岸牧豬礁礮臺領操礮位又護軍營駐守旅順口東岸田雞礮臺領操礮位又慶字正營駐守旅順口東岸嶗嶗嘴礮臺領操礮位又親兵慶字營駐守旅順口西岸饒頭山坡頭山蠻子營老虎尾威遠各礮臺領操礮位礮費銀二萬七千三百五十四兩零

奏稿七十一

五

一北洋水師各輪艇及機器魚雷等廠燒用煤斤價值銀十四萬八千七百九十五兩零

以上應歸工部核銷

以上共開除銀二百五十九萬四千八百三十兩零

實在項下

一應存銀七萬九千七百二十一兩零已接支十五年以後用項無存另行開報

覆奏七里莊開河窒礙摺

光緒十七年二月二十六日

奏為查明七里莊地方開河洩水地勢民情均多窒礙恭摺覆陳仰祈

聖鑒事竊臣承准軍機大臣字寄光緒十六年十月十七日奉

上諭直隸監生桑冲漢等請於十二連橋迤南之七里莊開挖七里由古河使水從三灘里出口入東淀自大清河以達海等語著李鴻章體察情形所稱開河洩水各節是否可行據實覆奏等因欽此遵卽轉飭清河道潘駿德天津道胡燏棻派候補知府郭奇中候補知縣王華清馳赴任邱雄縣文安等處會同各該縣傳集紳民沿途詳細履勘據任邱紳民以該處向為瀦龍方順各河下游每年河水漲發全恃千里長隄以為屏蔽此河一開不獨各村受患卽任邱環城左右下及雄霸各屬並在水中又據五官淀

奏稿二十一

三

等村紳民以該處自同治七年以後疊被漳沱古洋河患後經奏開漳沱河引入下西河水歸故道始登衽席今將此河開鑿則將來受患倍深又據雄縣紳民以該處濱臨趙王河隄岸全賴隄南地畝收穫為生今將此處開挖成河河佔隄壓生業全失又據文安紳民以七里莊為千里隄緊要之處今欲改為出水之口引水由三灘里入東淀經過之地以文安為最低至三灘里入東淀處地又絕高有來源而無去路是直以西淀移入文窰永無涸復之望各等語當經該委員等鈔錄各處紳民呈詞並將會勘情形稟由該道等具詳請奏前來臣查桑冲漢等所請開河之處上自任邱縣之七里莊起下至文安縣之三灘里止計長一百七十餘里不特工大費鉅款項難籌地形高窪不齊取勢亦難直捷該委員等就原圖所指開河處所逐細履勘自七里莊至苟各莊地勢較

窪至五官淀逐漸高仰至澎耳灣入文安縣境最爲低下向稱大窪迤東則又漸高及至三灘里口回望文窪已如釜底引水上行豈能暢順況百數十里閒田廬不少若開河道民失故業怨讟必多且千里長隄縣互西淀之東大清河之南隄內各州縣恃爲保障今擬由七里莊開挖河道遠將長隄剷斷引水東趨必須別築隄岸全淀眾水下注亦非一綫去路所能疏消新隄土性鬆浮難資抵禦一經潰決害何可言現在擬開河身並在任邱雄霸保定文安界內而文安地段最長形勢最窪當滹沱河未復故道時文安淪爲巨浸自獻縣另開新河以後受惠始輕今復開隄引水并注窪中是甫減滹沱之災而重受西淀之害任邱紳民所謂此河開後受惠更甚於滹沱文安紳民所謂直將西淀移入文窪所言並極痛切近年任雄境內千里隄工每遇汛漲輒慮上游奸民盜

奏稿七十一

三

決官民駐隄巡守並派營弁協防蓋以隄內數百萬身家性命所關不得不嚴爲防護今乃輕議開挖但爲一隅疏洩之計而置下游數州縣生靈於不問揆之情勢斷不可行竊維西淀跨連數縣匯納巨川向由連橋下入大清河受多洩少故每遇積潦傍淀各處難免受淹臣前此開通趙王河以分溜勢疏濬玉帶中亭河以暢下游皆於極難之中力籌補救之策然偶值盛漲則地形所限人力難施去夏水災尤爲歷年罕見被浸州縣固不獨該處爲然桑沖漢等但知自便私圖輒欲以鄰爲壑並稱此河開後各屬永無水患尤鑿空誕妄之詞且七里莊開河之議自道光元年曾經御史張元謨奏請不行此後屢有條陳均經議駁有案今查閱原呈仍係摭拾陳言不顧大局地勢民情並極窒礙應請無庸置議

謹繕摺據實覆陳伏乞

奏
皇上聖鑒謹

奏稿七十一

三

衛汝貴丁憂留營摺 光緒十七年二月二十六日

奏為統兵大員聞訃丁憂籲懇

天恩給假治喪仍留防營以資統率恭摺仰祈

聖鑒事據會統盛字馬步全軍記名提督甘肅甯夏鎮總兵衛汝貴稟稱光緒十七年二月二十日接到家信親母王氏於本月初三日病故該鎮屬親子例應丁憂請開缺回籍守制等情臣查該鎮所稟自是人子至情本應俯如所請惟該軍馬步十餘營拱衛畿疆為北洋海防大支勁旅精操利器名冠諸軍該鎮自接統以來會同永州鎮總兵賈起勝講求軍實認真訓練實係最為得力之將久在

聖明洞鑒之中上年大水成災天津地處下游眾流所匯衛南窪等處周圍三百餘里水深丈餘民遭昏墊臣以該鎮久隨周盛傳

奏稿七十一

三

辦理開河營田地勢工程並極熟悉即派令就近設法疏消該鎮徧歷災區審察形勢自秋徂冬親督各營開溝洩水寒暑無間並勸得海河下游之楊碼頭地方形勢就下督帶營勇二千餘人開挖減河數道計長七十餘里俾徧地積水得以消除即將來上游盛漲亦資宣洩洵為海隅久遠之利該處紳民咸稱去夏水患歷年所無而消退能速非該鎮之力不及此現在高處早經播種窪地涸復有期猶及補種春麥該鎮正在督率各營添開引河及大小溝渠隄閘各工水利民生並關緊要斷難中輟平日操防事宜責任亦重自應責成該鎮妥為經理俾資熟手未便久令離營懇

天恩賞假百日治喪仍留統盛軍以竟要工而重防務該鎮係實缺總兵查原任湖南提督周盛傳升任通永鎮總兵唐仁廉現任

蘇松鎮總兵張景春先後在海防軍營丁憂並奉

諭旨改爲署理在案該鎮事同一律可否改爲署理稍崇威望以資統率之處出自逾格

慈施臣亦藉收指臂之助所有統兵大員聞訃丁憂各緣由謹繕摺具

奏伏乞

皇上聖鑒訓示謹

奏

再據寶坻縣紳士前湖南衡永郴桂道方學蘇山東候補道王其慎等聯名呈稱去歲大水為災數十年所罕見寶坻地居窪下受患尤深原任工部尚書兼管順天府府尹潘祖蔭一聞災信先行撥款飛飭印委辦理急撫內則瀝情入

告外則函電四馳為民救災無微不至本屆待賑人數倍於往時飢者給食寒者授衣全活甚眾秋冬以來屢傳集該紳等詳詢賑事形神頗頽若疾痛之在身竟以積勞一病不起聞信之日士民相弔若喪其私感人之深實難泯沒竊以前任順天府尹周家楣因辦理賑撫由紳民呈請建祠有案今擬集貲為故兼尹潘祖蔭建立專祠由地方官春秋致祭以申報響呈請具奏前來臣維去歲被災以後屢接故兼尹臣潘祖蔭來函言及災况憂勤之意流

奏稿七十一

五

溢行閒心竊敬之身後檢其遺牘手寫告災乞賑之書多至千數百件病中喃喃皆言賑務前蒙

恩旨稱為盡心籌畫勞瘁不辭是其辦賑宣勤早荷

聖明垂念查故通政使周家楣在府尹任內籌辦賑撫著有勞勳曾蒙

恩允建祠去年順屬受災之重籌賑之難更非昔年可比該故兼臣盡瘁以歿士民尤切哀思茲據該紳等呈請援案捐貲建祠由地方官春秋致祭揆之禦災勤事之義洵為無媿自應據實上聞理合會同兼管順天府府尹臣祁世長順天府府尹臣胡聘之附片具陳伏乞

聖鑒訓示謹

奏

各洋員請獎片

光緒十七年二月二十六日

再各國員弁商人在華著有勞勩歷經奏蒙

賞給寶星以示獎勵茲查有德國克虜伯廠派來中華照料廠械總兵福合爾現任克虜伯廠總辦燕格克虜伯廠製造總辦克孛思兼充荷蘭國天津領事官奧國人滿德等四員於中國購造海防巨礮並傳授製造栗色火藥祕法均能實心經理著有勞績又電報教習丹國人克綸西俄國商務參議四達爾祚福管駕利運輪船英國人摩頓等三員歷充各項差務均能勤奮盡職合無仰懇

天恩俯准將福合爾比照各國武職大員例

賞給二等第三寶星燕格克綸西比照陸路副將教習例

賞給三等第一寶星克孛思滿德四達爾祚福摩頓均比照水師

管駕陸路參將副領事官例

賞給三等第二寶星藉資鼓勵除俟奉

旨後由臣飭令分別製給並咨總理衙門繕給執照外理合附片

陳請伏乞

聖鑒訓示謹

奏

改永定河下口並修鳳河摺

光緒十七年三月初五日

奏爲永定河下口淤墊高仰亟宜設法改道以暢尾閘而維北運並鳳河上下游疏濬河槽培築東隄恭摺仰祈

聖鑒事竊查永定河下口一帶近年淤墊高仰以致下壅上潰頻有漫決之患兼之衝刷鳳河往往闌入北運去秋汛漲更盛數百里閒一片汪洋運道民田爲害匪淺因飭派天津道胡燏棻記名道吳廷斌會同永定河道萬培因馳赴永定河下口詳勘形勢測量高低據稟永定河下口至韓家樹寬長四五十里其中淤北淤一帶悉淤成高阜流行委係不暢是以溜勢由北而東衝入鳳河而鳳河北運均有岌岌不可保之勢再四審度惟有由河身迤南鄭家樓地方挑挖引河十四里餘至南下八汛二十二號出口由楊家河匯入大清河地勢寬廣低窪作爲下口甚爲直捷暢利等

奏稿七十一

七

語臣維水性就下治水之道宜順其性而濬通尾閘尤爲緊要永定河下口向由韓家樹左右匯入大清河在中淤北淤之間渾流經行年久遂漸淤墊愈下愈高勢如登坂以致屢經挑濬未見功效下壅則上易潰故上游頻歲漫口幾至無法挽回又水勢直灌鳳河上年大水將鳳河身數十里淤成平陸東隄衝刷殆盡鳳河爲通州武清東安各處瀝水所由達津之路淤塞過甚則通武一帶水患難除况鳳河東隄爲通京驛路及北運河保障東隄之外地勢尤低若任渾流建瓴而下徑潰驛路闌入北運更於運道有礙若改歸南淤就近由下八汛二十二號作爲下口仍會大清河趨天津之三岔河下入海河其勢甚順其二十二號以下距清河向十餘里地勢遼闊均屬大窪荒港並無村莊本係從前下口渾水蕩漾之區得以散水勻沙卽清河不致遽成淤墊非韓家樹河

道狹窄者可比恭讀乾隆十九年

高宗純皇帝諭曰方觀承奏永定河下汛隄堰漫水一摺漫口既屬堰尾又外俱空闊處所若無淤墊之患似可聽其合流使下口益暢等因欽此誠以治河必權其利害輕重因地制宜查南八下汛隄工二十六里以下卽係無工處所今擬由二十二號作爲下口已屬堰尾且以外俱空闊處所聽其與清河合流既與乾隆年

聞
聖諭相符實於全河形勢大局深有裨益自應如該道等所議卽由鄭家樓地方挑挖引河至下八汛二十二號出口俾得就地勢順水性節經費以暢永定尾閘兼保鳳河北運是一舉兩得之計現飭派記名道吳廷斌永定河道萬培因會同籌辦招集附近災民以工代賑剋日興工務於伏汛前蒞事再鳳河下游河道及武

奏稿七十一

天

清天津一帶東隄經上年大水淤墊衝刷淹浸民地甚廣迄今水未全涸永定河下口既令南移則鳳河以後受害較輕必須及時疏濬河槽培築東隄以資保衛臣現派天津紳士前廣東水師提督曹克忠會同候補道桂本誠前往勘估分投趕辦疏築事宜以上兩項需費均屬浩繁所估永定河及鳳河工費督飭司道在賑捐項下竭力籌撥事竣據實開單彙報所有改挑永定河下口及疏築鳳河各緣由是否有當理合恭摺具陳伏乞

皇上聖鑒訓示謹

奏

再上年順屬水災以東路之武清寶坻爲最重而武清寶坻之河患以鳳河青龍灣減河爲最重武清之鳳河因受永定河渾流衝突東隄潰決下游淤塞臣已遴派員紳挑河築隄另摺奏明在案寶坻之青龍灣爲北運減河自香河縣之王家務起經由寶坻下至甯河入海雍正八年築壩挑河以來迄今河身節節淤墊光緒十四年曾經挑挖一次因迫於時日限於經費所挑無多去夏淫雨兼旬河流狂漲爲數十年所未有潰隄決岸寶坻受害獨深必須大加挑修爲民捍患據候補道桂本誠會同通永道楊宗濂勘得該河上游自香河縣之王家務至寶坻之廣安橋五十餘里河身寬十餘丈至二三十丈水深五六七尺不等灘嘴決口較多須切灘堵口俾水勢順流而下不致旁溢爲災廣安橋下至大寶莊

奏稿七十一

五

十餘里河身漸窄漸淺且河高於地缺口十餘丈直灌孫校尉等數十村民地多爲沙壓應築越隄三十里俾可放淤耕種大寶莊以下六十餘里河槽僅寬二三丈深一二尺內有淤高並無河槽之處若不及早疏濬寬深則下壅愈高上潰愈甚修治愈難實於運道民生大有關係惟是工繁費鉅款項難籌臣與兼尹臣府尹臣往返函商將大寶莊以下開濬培築各工咨行直隸提督葉志超通永鎮總兵吳育仁前往酌分段落調派所部蘆臺北塘淮練各營分投興作酌給兵勇犒賞不給方價但恐工多勇少挑不足數並令添雇民夫同時分挑其大寶莊以上各工並黃莊八門城一帶殘隄潰口及大寶莊以下築隄放淤昔年所開普濟河黃莊新河皆須挑挖寬深添建石閘均責成桂本誠等督率印委各員招集附近災民剋期興辦由順直賑撫款下分撥濟用以工代撫

事竣彙入工撫案內奏報查上屆調派營勇挑挖青龍灣減河在
事出力員弁奏奉

恩准給獎此次工程艱鉅數倍在事員弁櫛風沐雨胼胝泥塗洵
屬異常勞苦仰懇

天恩俯准照河工章程工竣時容臣等擇尤保獎以示鼓勵出自
慈施逾格所有籌修寶坻河工緣由理合會同兼管順天府府尹

臣祁世長順天府府尹臣胡聘之合詞附片具陳伏乞

聖鑒訓示再通州境內之潮白河溫榆河平家疇順義香河境內

之箭桿河薊州境內之薊運河各有應挑濬堵築工程並由臣等

籌款委員分投修辦以工代撫期於河流順軌民困以蘇合併陳

明謹

奏

再北洋定遠鎮遠濟遠三艦月支公費原議暫給定鎮兩艦各月支銀六百兩濟遠一艦月支銀四百兩前經分別奏咨聲明此項戰艦一切規模皆屬創始其名額薪餉如須斟酌損益再行隨時咨報立案嗣經統領北洋水師提督丁汝昌以該三艦艙多機繁費用浩大除原領公費外定鎮濟三艦實墊用銀七千五百餘兩當經飭據海防支應局司道詳細核議原領公費實屬不敷應自光緒十二年五月起定鎮兩艦各月加公費湘平銀二百五十兩濟遠一艦月加公費湘平銀一百五十兩其五月以前計自光緒十一年十月起至十二年四月止共七箇月仍照加支公費銀數按月補給計三艦共補給公費湘平折庫平銀四千三百七十餘兩在三艦備用項下撥給歸墊業經分咨查照嗣准兵部議覆以

奏稿七十一

三

補給三艦公費未便率准應令奏明辦理等因臣查原定三艦公費銀兩不敷過鉅該管帶等共墊用銀七千五百餘兩除補給庫平銀四千三百七十餘兩尚賠墊三千餘兩若再令賠此鉅款力有未逮勢必就現領公費挪移彌補而每月應需料件轉未能照數購備勤加修整致使全船輪機器械日就鏽壞且得藉口請款大修貽誤既多糜費尤甚況此項公費正因其不敷於前是以酌加於後既准加支於後自應補給於前似未便吝惜小費暗滋虧損所有補給三艦公費庫平銀四千三百七十餘兩仍請照數開支以免賠累而重利器理合附片陳明伏乞

聖鑒敕部照數准銷謹

奏

修辦居庸溝道摺

光緒十七年三月十九日

奏爲居庸關溝道爲京北要衝修辦工竣在事出力紳董懇

恩給獎恭摺仰祈

聖鑒事竊查延慶州之居庸關爲太行九陘之一逼近

京畿巖巖峭壁跬步皆危前代恃此備邊任其險噉我

朝幅員遼闊中外一家內外蒙古藩王貢使來往京城及西北兩路邊防臺站轉運軍需必皆取道於此二百數十年來從未大加修治關溝四十五里穿山度峽夏秋水石交衝行人病涉冬閒谿澗溝坎凝結成冰人畜每多顛仆商旅視爲畏途亟須設法興修俾臻平坦惟工程繁鉅需款甚多直隸向爲缺額之區公款無可籌撥光緒十三年四月閒原任宣化府知府章洪鈞督同前任延慶州知州章成義懷來縣知縣何承緒詳詢紳耆博訪輿論僉謂

奏稿七十一

三

捐收過往牲畜釀資修道眾商無不樂輸擬於居庸關設立公所分別駝騾牛馬驢頭豬羊每隻酌捐制錢十文至二三文不等無論中外一概計數抽捐集商民不費之資興地方永賴之利事屬輕而易舉其差馬回空婦女空騎與夫農具柴草駝載概不收捐以示區別選派該處公正紳士李厚基等董司其事議定章程稟經臣批准試辦該州等履勘關溝自岔道東撥子起至昌平州交界之狼窩止統長六千七百三十丈估計土石各工所費甚鉅牲捐零星湊集未能徧行修墊爰分十一段次第平治將最險之八達嶺等處首先開工適有延慶州人湖北候補道胡鏞請假回籍臣因其熟悉關溝情形飭令會同該州等妥爲商辦於是溝道漸平車輛過往日多稟准做照性捐抽收俾得一律修治該官紳等審察形勢疏塞兼施築壩挖溝填凹平凸或買民田繞越或開山

道通行所開道段寬四五丈及一二丈不等逐段修築坦平車馬
馳驅已無險阻若求經久之策尙非且暮可期每遇大雨時行山
水建飯而下掀天揭地數方之石如盤走珠溝道頓成深坎谿徑
爲之不通必須審其受患之處與所以趨避之方辦理始有把握
上年夏間霖霖浹谿流暴發爲數十年所未有原修道段如八
達嶺素稱天險雖經此次狂瀾依然鞏固餘處稍有衝損修復尙
易爲功惟彈琴峽石佛寺二處兩山逼峙水無所洩壩道各工半
就傾圮欲圖補救則限於地勢非人力所能爲因議改道西山繞
出彈琴峽石佛寺由六郎影仍歸正道舍水渠而行山陔開土田
而避石路庶無衝潰之虞當飭照議趕辦據報於本年二月十八
日一律工竣飭委宣化府知府汪守正驗明道段堅平實於南北
行旅大有裨益然工程無歷久而不做通溝道路經車馬之蹂躪

奉稿七十一

三

風雨之摧殘非籌有歲修大修專款誠恐數年來辛苦籌辦之工
仍歸廢棄所有牲畜捐款自光緒十三年六月初四日起至本年
正月月底止計共抽收制錢二萬九千一百六十餘串士商捐助銀
六百餘兩支銷工費以外僅存制錢三千五百串銀六百兩斷不
敷用應將牲捐酌留數年除隨時修補助用外湊足銀一萬兩卽
行停止車捐起於道工俟牲捐停收仍應專留大車捐數年湊足
銀五千兩亦卽停止以上兩項捐款分別發商生息牲捐息專
作歲修經費車捐息銀專作大修經費明定規條責成官紳互相
稽察以杜侵蝕虧挪之弊此後經理得宜道工日臻穩固數十年
內必可無虞險巖共樂蕩平矣在事紳董自備資斧一塵不染任
勞任怨力爲其難苦志經營五易寒暑遂使馬不容足之關溝化
爲車載暢行之坦道洵屬著有成效深堪嘉尙自應擇尤保獎除

湖北候補道胡鏞不敢仰邀議敘外候選縣丞李厚基擬請俟選缺後以知縣卽選五品頂戴候選鴻臚寺序班程涵請以訓導不論雙單月選用縣丞銜凌雲漢請以縣丞不論雙單月選用候選直隸州州同程丹桂請俟選缺後以知州卽選仰懇天恩俯准照擬給獎以昭激勸出自

慈施逾格理合恭摺具

奏伏乞

皇上聖鑒訓示再修辦溝道工費係由地方紳商零星捐集續湊平治實用實支不動官款請免造冊報銷合併聲明謹

奏

奏留劉含芳片

光緒十七年三月十九日

再新授甘肅安肅道劉含芳歷隨征勦粵捻軍營自北洋辦理海防卽經臣派赴山東之威海衛相度臺壘旋調駐奉天旅順口籌辦防務督辦船塢及魚雷營兼司水陸軍械該道熟諳西法精心果於外洋製造器械及建置工程均能深研得失魚雷爲海上戰守利器理法精微該道與英德教習討論多年創設魚雷學堂艇塢布置井井有條俾弁兵操演日臻精進現已練成魚雷艇十餘號可備輔翼鐵艦之用爲各省所未有旅順縮鞞渤海之口係北洋門戶第一要衝近年舉辦海軍尤爲根本歸重之地臺塢廠庫各工無一不關重要該道在事最久實屬海防最爲得力之員前此法越構釁東南緣海被兵駸駸有北窺之勢卒不敢來犯者亦賴防備嚴密足以懾其氣也現在旅順船塢威海衛大連灣礮

奏稿七十一

三

臺各工雖已報竣惟規模甫具善後一切頭緒紛繁該道經手事

件甚多驟難更易合無仰懇

天恩俯准將劉含芳暫留旅順俟經手各事清理完竣再行飭赴

本任以重要防理合附片具陳伏乞

聖鑒訓示謹

奏

冷慶請卹片

光緒十七年三月十九日

再總兵銜前直隸督標中軍副將冷慶於咸豐三年在署天津遊擊任內奉調帶領礮隊迎剿粵匪攻偪獨流賊巢面受礮傷一處追賊至阜城四年三月在甜水堡擊賊獲勝追至連鎮五年正月攻克連鎮復調赴山東高唐州馮官屯大營二月賊撲礮臺奮力抵禦左乳左臂受矛傷三處六年正月經親王僧格林沁奏調赴河南追剿捻匪三月在十字河等處連戰大勝解亳州城圍直搗雒河集攻毀賊巢復在耿黃寺翟村寺等處力戰屢勝七年二月隨赴潁州進剿四月力攻方家集賊壘右臂受擡鎗傷一處八月帶隊前赴角子山九月在確山縣力戰解圍疊在張堂等處連獲勝仗進攻馬市坪屯賊先登右臂受石傷兩處八年正月勦辦阜陽西爐莊教匪焚燬逆巢三月帶隊赴鹿邑軍營十月在棗子集十字河一帶連獲大勝九年正月敗賊於丁堠寺追至李家橋二月解西華縣圍力戰北舞渡左股受矛傷一處三月調回直隸防

奏稿七十一

三

奉

旨署天津鎮總兵十年三月經前督臣恆福以久歷戎行帶隊勇往奏准調補督標中軍副將同治元年五月奉

旨調署宣化鎮總兵四年三月飭赴本任光緒十一年呈請修墓開缺旋經臣查明該副將前在軍營受傷疊次驗列頭等奏蒙

恩准給予全俸在案茲以感疾牽動舊傷於本年二月三十日在易州寄籍身故據該州朱乃恭詳報前來臣查冷慶起家行伍洵擢將校轉戰數省曾經大敵屢克堅巢從征三十餘年大小百數十戰摧鋒陷陣驍勁無前疊受重傷體如刻畫忠勇之性一時罕

倫溯自咸豐同治年間蒙

特旨兩署總兵並是邊防重鎮於諸將中資望最深在宣化鎮任內前督臣劉長佑校閱營伍奏稱宣化弁兵廢弛已久該署鎮臣不辭勞瘁申明紀律頓然改觀在臣標中軍副將任垂二十年廉公自持軍民畏愛卓有古名將風茲以勞傷致疾不起深可憫念查前記名提督王占魁在籍病故經臣援照福州副都統全福請卹成案奏蒙

恩卹冷慶戰功卓著核與全福王占魁等情事相同合無仰懇天恩俯准敕部將已故總兵銜副將冷慶照在營立功後積勞傷故例議卹以彰忠藎出自逾格

恩施理合附片陳請伏乞

聖鑒訓示謹

奏

奏保沈保靖片

光緒十七年四月初一日

再光緒十五年三月十六日恭逢

恩詔內開自同治元年以來曾經任用現已革職官員除大計貪
贓及居官不職以至失守城池各員外若有事係冤枉被革果有
才力堪用者在外聽該督撫查明詳開緣由奏明請旨等因欽此
仰見

聖朝愛惜人才振拔幽滯凡在臣下欽感同深查有降調布政使
沈保靖前在福建藩司任內為言官疏參經前大學士臣左宗棠
調任督臣楊昌濬查明覆奏於所參各款逐條辨析分明惟以聞
警之際該員之弟攜眷回籍形跡疑似之間未能阻止請交部議
處以示薄懲當經吏部比照不應輕律議以罰俸原甚公允旋經
前鴻臚寺卿鄧承修奏稱以該員稟復之詞不足為據又經吏部

奏稿七十一

完

比照不應重律議以降調竊查原參關涉公事各款自有案牘及
眾論可憑左宗棠等查覆固云核對案卷博采輿論原疏具在可
覆按也至移眷一節係屬家事該員之弟赴閩省視本與公務無
涉挈眷回籍亦情理之常旁人不能為誰但據道路訛傳之言以
為定論似近苛刻該員自同治元年即隨臣上海軍營憔悴專壹
久歷艱苦至十一年始離營赴九江關道任迨罷官後復經臣奏
調辦理天津機器局講求西法裨助軍實相從最久知之最深其
為人廉正堅實治事精覈能任勞任怨官江閩兩省卓著政聲即
左宗棠等覆奏之疏亦有秉性剛執實事求是精明強幹不避嫌
怨之言其立身行己具有本末臨難苟免之事臣敢保其必無方
今外省風氣日趨圓靡具有特立獨行而才力又足任事者實為
救時之選一省之中曾不一二覩沈保靖仰蒙

拔擢正當效用之時乃以人言去官久置閒散目今時事多艱人才難得深爲可惜近見雲貴督臣王文韶歷舉從前降革藩臬姚覲元陳寶箴陳湜等以應

詔書沈保靖人才治行實不後於諸人若臣知而不言殊昧以人事

君之義不揣冒昧據實

上聞至應如何錄用之處

聖明自有權衡非臣所敢擅擬謹附片具

奏

張樹屏請卹摺

光緒十七年四月初一日

奏爲原任總兵積勞傷發病故戰功治績卓然可傳據實臚陳懇
恩優卹恭摺仰祈

聖鑒事竊山西大同鎮總兵張樹屏前以久在邊外積受嚴寒感
發傷疾蒙

恩賞假六箇月回籍就醫假滿未痊呈由安徽撫臣奏請開缺奉
硃批張樹屏平日帶兵尙屬得力著再賞假三箇月毋庸開缺欽
此該鎮感激

恩遇上緊調治終以受病過深未能尅期見效續假屆滿復呈由
兩江督臣奏請始荷

恩俞茲於本年二月初八日在籍傷發病歿由該家屬呈報前來
臣查張樹屏安徽合肥縣人咸豐年間隨其胞兄前兩廣總督張

奏稿七十一

早

樹屏前廣西右江鎮總兵張樹珊帶團擊賊嗣隨官軍克復潯山
太湖縣城同治元年臣督師赴滬飭張樹聲創立樹軍派張樹屏
分帶副營相從東下力戰北新涇解四江口重圍由海道赴援常
熟破賊毛家山攻下福山石城乘夜進擊遂解常昭之圍進克江
陰無錫縣城旣而宜興溧陽丹陽之賊糾合悍黨十餘萬分道回
竄常熟江陰無錫等處臣飛飭樹軍抽調勁旅橫紮江陰之焦墊
青陽遏賊歸路賊旣竄退截之三河口合諸軍奮擊俘獲二萬殺
斃溺斃無算是役以少擊眾號爲奇功樹軍獨扼賊衝該故鎮身
當前敵論功最偉乘勝進攻常州府城埽蕩賊營二十餘里直逼
城下時蘇州已復賊無歸路憑堅死守城上礮彈如雨並然火藥
下傾我軍肉薄仰攻死傷甚眾該故鎮身受鎗傷兩處裹創奮進
先奪東門諸軍並登卽時克復旋會諸軍進復湖州府城髮逆旣

平勦辦捻逆五年冬開張樹珊在湖北德安力戰陣亡臣卽奏派張樹屏接統其眾轉戰六省蕩平二捻積功至記名提督

賞換額騰額巴圖魯勇號九年前山西撫臣李宗羲奏令招募樹字新軍六營並開花礮隊一哨赴晉防河時甫經張總愚擾亂之後陝北諸回方謀東竄該故鎮以所部分紮鄉甯吉州壺口沿河二百里悉按形勢險要設汛增壘晉防屹然

朝廷無復西顧之慮十二年冬兼統晉軍水陸十四營移駐河津光緒二年移防河曲保德一帶其時皖軍赴援烏魯木齊塞上空虛盜賊蜂起該故鎮以兩營馳往捕治應時捻定未幾而甘肅流賊曹洪照大股竄擾後山該故鎮適奉檄詣省聞警馳回抽集銳騎乘大雪日夜追擊連敗賊於老郭地纏金本壩臺廟等處遂擒曹洪照於茶蘇谷僅五十餘日而全股蕩平捷聞奉

奏稿七十一

聖

旨以勦辦迅速

賞給頭品頂戴四年

簡授太原鎮總兵六年以防邊湘軍調赴山海關奉

旨調署大同鎮總兵移所部樹軍前往填紮當新舊更替之際客勇游匪乘勢蠢動民蒙又以爭地構釁劫殺頻聞該故鎮既馳抵所駐之包頭鎮分撥馬步營旗於大青山前後扼要巡歷嚴禁械鬪以靖屯眾抄緝窩頓以清盜源次第擒斬著名劇賊訓練鎮標騎兵七百八十名編列五旗屯紮邊口內外以輔防軍之不足匪蹤潛息民氣大和行旅往來如涉內地九年經升任撫臣張之洞以巡緝得力

上聞奉

旨調補大同鎮總兵該故鎮在晉二十年居邊十年兼統淮練各

軍歷任南北兩鎮凡練軍改旗各事皆一手經畫至今以爲成規
平居紀律嚴明持己廉介所莅之地士民翕服無異詞其尤卓然
在人耳目者光緒三四年山西大旱該鎮於旱象始見卽請款
購儲軍米萬石及米價踴貴每石至四十餘金悉以原價給軍當
大饑之時所部獨能飽騰並督令捐雇騾駝般運賑糧上下陝洛
二千餘里復出軍食之餘以平糶市商無可居奇全活不可數計
前大學士臣閻敬銘方治賑境上親見其事每歎以爲難能張之
洞撫晉時巖治歷年積弊文武各員論劾殆徧獨以張樹屏廉正
密實疏聞於

朝及議練主兵以代客兵裁撤湘毅等營獨稱樹軍爲得力當時
治軍積穀諸大政見諸奏牘者蓋未嘗不力推張樹屏其奏辦代
州大豪劉定邦一疏至謂省垣邊外營署員弁不能結交者惟張

奏稿七十一

聖

樹屏一人推信之重如此前史所稱守邊廉恥之將無以過之該
故鎮常念家世受

國厚恩兩昆先後以死勤事獨以久病之軀猶荷

聖明垂念年甫五十報效有期乃因傷疾淹纏齋志歿地深可痛
惜竊維張樹屏隨勦粵捻各逆無役不從始領偏師洵擢統將屢
經大敵疊克名城在晉防河防邊實繫全省大局而辦賑一役尤
爲遺愛在民核其生平戰功治績卓然可傳臣知之較深未忍任
其湮沒合無仰懇

天恩俯准將原任大同鎮總兵張樹屏照軍營立功後積勞病故
例從優議卹將事蹟

宣付國史館立傳並附祀各省淮軍昭忠祠以彰蓋績至山西爲
該故鎮立功最著省分應有祀典以勸勞臣可否

准其建立專祠出自逾格

恩施非臣所敢擅擬理合恭摺具陳伏乞

奏

皇上聖鑒訓示謹

奏稿七十一

呈

出洋巡閱摺 光緒十七年四月初六日

奏爲定期出洋會閱海軍並查勘各處臺陽工程恭摺仰祈
聖鑒事竊准海軍衙門咨開光緒十七年二月十六日具奏請
派大臣出海會校北洋合操一摺十七日奉

旨現屆校閱海軍之期著派李鴻章張曜認真會校欽此恭錄知
照到臣伏查北洋海軍自成軍後已屆三年其堪備戰陣各船計
前購之鎮遠定遠濟遠三鐵艦致遠靖遠經遠來遠四快船合之
舊有超勇揚威快船鎮中鎮邊等礮船及練船雷艇等共大小二
十餘艘爲中國創立海軍之始北洋海軍提督丁汝昌每年春夏
秋三季督帶各船在沿海往來操巡周歷奉天直隸山東朝鮮各
洋面東北至於日俄各島冬令駛往南洋巡閱江浙閩廣沿海各
要隘西南至於英荷屬埠終歲勤動弗稍休息藉以涉歷風濤練

奏稿七十一

器

習陣技勞苦可云至矣其防守各海口勇營操練臺礮水雷等藝
並築造臺壘鳴澳鉅工手胼足胝寒暑無閒風溼瘴癘動致疾疫
亦殊可念至各處船塢機器局製造船艇器械水雷電燈大小鎗
礮應用子藥架具均仿西洋新式冀其日進精強海軍衙門定章
每屆三年奏請

欽派大臣會同出海校閱嚴明賞罰示以勸懲且使歷年工操情
事無不

上聞益知激勵奮興而不敢稍涉疏懈用意極爲深遠現屆第一
次校閱之年欽奉

諭旨認真會校遵卽咨商山東撫臣張曜約定日期馳赴煙臺臣
趕將地方春撫事宜及各河工程分飭辦理就緒定於四月十六
日率同水陸營務處直隸臬司周馥津海關道劉汝翼等由大沽

乘輪船放洋徑往旅順先經飭知海軍提督丁汝昌調集各船並派船至煙臺迎候張曜渡海至旅順口會看船塢礮臺等工校閱毅軍親慶各營陸操隨赴大連灣洋面會齊各兵船演陣打靶並調南洋六船隨同操演旋登陸閱看銘軍新築礮臺再渡海至威海衛閱看綏鞏等軍新築礮臺並查勘各處一切布置工程事竣卽赴膠州澳察看形勢竊維旅順威海兩處並爲北洋屯泊水師口岸旅順縮鞏渤海辦防最先十餘年來逐漸經畫已成重鎮近日船塢造成尤爲海軍歸宿根本大連灣威海衛則自光緒十三年始創議分設礮臺移軍填築現臺工將竣而訂購西洋大礮係逐年分批購運尙未到齊至膠州地居南北洋之中爲北來第一重深水船澳自應設防屯守以期周密惟目前限於經費無可籌撥擬俟威大兩處措置完密騰出餉力會商張曜次第經營此次

奏稿七十一

聖

就便前往詳細相度以爲將來舉辦之地約計周厯各口往返須至兩旬所有津署日行事件檄委長蘆鹽運使季邦楨代折代行其緊要公事仍封遞臣巡次核辦所有定期出洋會閱海軍各緣由理合恭摺由驛具

奏伏乞

皇上聖鑒謹

奏

請緩鹽課奏銷摺

光緒十七年四月初六日

奏為援照歷屆成案請緩長蘆本年正課奏銷以恤商艱仍無誤協撥京奉各餉恭摺仰祈

聖鑒事竊據長蘆鹽運使季邦楨詳稱蘆商正課例限五月奏銷自同治十年後商情艱窘節經

奏准緩至十月啟徵茲因例限將屆催令各商完納據通綱商人晉有孚等一百二十商稟稱直豫疊被災祲銷絀本虧商累實甚歷年蒙將正課展緩藉可專顧春秋兩運仍於秋運後趕緊完課並未誤解餉期限且能增交銀數有裨餉需蓋奏銷時日稍舒商力始能周轉今催令照限完課苟能遵辦曷敢視展緩為常例惟上年直境水災之重為數十年所未有引岸被淹商情疲累異常本年春運過關鹽僅十萬餘包尙未悉行抵岸其豫省南岸各引

奏稿七十一

哭

地鄭工雖已合龍而運路未盡通暢戶口多未歸復銷數較前短絀鹽不能銷課從何出此外未經築運各商疲困情形更可想見蘆商累多殷少全指秋後賣鹽以完現課此時萬難兼顧懇將本屆正課奏銷援照歷屆成案展緩該運司詳加體察確係實情若令依限完納力實未逮徒事參追無裨實際請緩至十月啟徵仍可無誤京奉各餉並聲明永屬鹽課奏銷屆時隨同辦理以憑彙計分數等情具詳前來臣查長蘆正課前因商情艱窘疊次奏請展緩均經蒙

恩允准但可依限催納豈容稍任稽延惟上年直境水災極重商累甚深刻值告運喫緊鹽尙未銷斷難籌措課款既經查明屬實應援照歷屆成案籲懇

天恩俯准將光緒十七年正課奏銷緩至十月辦理以恤商艱卽

以保全課帑屆時當督飭運司認真催徵將本屆奉撥京奉各餉
仍於年內解清斷不敢稍任遲誤理合恭摺具陳伏乞
皇上聖鑒訓示謹
奏

奏稿七十二

畢

津貼剝船摺

光緒十七年四月十五日

奏爲官剝船戶苦累請仍照案酌貼工食銀兩以裨漕運恭摺仰

祈
聖鑒事竊查江浙海運漕糧由直隸官剝船戶接運至通前於光緒十二年經臣奏定每年每船由江浙漕項內酌貼工食銀五兩上年因米少船多每船祇能輪運一次所得水腳已較歷屆爲少終年停泊苦累難堪此項工食若按米數核減必致偷漏滋弊奏明仍按每船五兩發給旋准部咨令自光緒十七年爲始每平斛百石准給工食銀七錢五分其從前按船給銀五兩章程卽行停止等因當經轉行遵照茲據天津道胡燏棻詳稱直隸官剝船隻向派民戶領駕承運江浙漕糧按年發給工食以資養贍從前每船每年例領工食銀十五兩嗣因蘆綱及東綱生息解不足額將

奏稿七十一

哭

工食減爲七兩五錢又須以工食貼補油艫遂至入不敷出窮極滋弊攙和偷盜防不勝防辦不勝辦自光緒十二年准於江浙漕項內每年每船貼給工食銀五兩必須運竣以後顆粒並無短少始行照數發給法良意美各船戶不復作奸犯科辦理已著成效然連原有工食銀七兩五錢每船加銀五兩僅應領銀十二兩五錢較之從前十五兩定額尙有減少若將此項工食改按所運米數核發現有原續剝船二千隻以江浙米數均勻核算每船祇能輪運一二次至多不過三次每次運米二百石僅應領銀一兩五錢運至三次亦不過得銀四兩五錢況以運米之次數定工食之多寡不特受兌之始擁擠河干紛紛爭運易於滋事設船戶自知不能多運或於末次一運故智復萌再有攙和偷盜等弊雖有峻法在前竊恐仍無實際請仍照舊酌貼銀五兩以示體恤等情詳

請具奏前來臣查直隸剝船二千隻每船酌貼工食銀五兩共僅須銀一萬兩若按米數核發本年江浙新漕一百二十餘萬石除去截留直隸賑米八萬石計之亦須發銀八千餘兩較原定章程僅少發銀一千數百兩而船戶偷漏之弊難保不乘隙而生所少無多所損實大漕糧爲

天庾正供船戶亦

朝廷赤子從公苦累情實堪憐現在海運南漕連檣進口剝兌運通勢難久待各船戶窮丁亟盼加惠呼籲頻聞核計照前數年定章每船酌貼銀五兩爲數無幾而獲益甚多況江浙漕糧每年總在一百二十萬石上下上年米少船多由江浙水災爲數十年所未有以後斷不常見似未可因噎廢食仰懇

天恩俯准照案仍按五兩給發贍其身家卽所以慎重漕務除分

奏稿七十一

吳

飭遵辦外理合恭摺具陳伏乞

皇上聖鑒敕部知照謹

奏

應寶時請建祠片

光緒十七年四月十五日

再據江蘇紳士前東河河道總督吳大澂前奉天府府丞朱以增等聯名呈稱已故江蘇按察使應寶時當咸豐十年粵匪竄陷蘇松等處奉

旨隨同辦理團練督帶勇團克復松江府城十一年冬浙江省城復陷東南大局注重上海一隅因與官紳設立會防局兼籌兵餉聯絡中外其時賊由乍浦竄陷奉賢金山川沙南匯等城東路賊氛與上海僅隔一浦西南之賊距城祇數里守兵聞警卽潰勢幾不支該故員以滬地避難士民數逾百萬且爲華洋眾商總匯之地稅餉所出尤當極力保全會商官紳倡議迎師力籌鉅餉雇備輪船事屬創辦該故員力任其難迎臣軍由院東下實爲規復東南一大轉機嗣在上海道任內創建龍門書院俾士知向學並立

奏稿七十一

五

普育善堂收養窮黎署布政使任內飭各州縣立常平倉勸輸銀穀存公生息通計所積數逾百萬至今緩急賴之吳淞江爲水利最要之區籌款二十餘萬設法開濬以利宣洩閭閻愛戴淪浹彌深而同治元年迎師一役獨肩鉅任力顧餉源保護百萬避難之生靈挽回數省淪陷之危局追思往績尤不能忘謹援原任浙江甯紹台道顧文彬記名道潘曾璋等成案合詞籲懇奏請將已故江蘇按察使應寶時在上海地方由紳民捐建專祠俾申報享等情前來臣竊維咸豐末年蘇浙淪陷獨恃上海一隅之地爲臣軍東下根本迨後肅清全吳固由將士百戰之力而其先官紳危苦堅守以待援師其功實不可沒方事之殷設立會防局總筦兵餉諸事主之者紳則顧文彬等官則應寶時等其迎師雇用輪船由金陵賊巢沂江上駛爲向來所未有忌者多陰撓之英領事麥華

陀尤力持不可應寶時素與洋酋相習既以利害說其水師提督何伯復出重賞啗洋商始願以船應召又與約船中得增竈治餐馬匹軍械得入船抵皖泊舟聽行止一一如我法皆輪船創格則應寶時一人之功故中允馮桂芬所著滬城會防記皖水迎師記言之最詳馮桂芬身預其謀目擊其事也戡定之後吳人追念前勞每論迎師一役輒以此數人爲稱首顧文彬等歿後並經呈請捐建專祠奏蒙

恩准在案應寶時又歷任該省司道大員卓著政績臣昔自兵間及在蘇撫江督任內親與其事知之最深前後督撫臣如曾國藩丁日昌皆盛稱之今吳大澂等援顧文彬等成案請捐建專祠具見功德在人遺愛未泯合無仰懇

天恩俯准該紳等所請爲已故江蘇按察使應寶時在上海捐建

奏稱七十一

臣

專祠由地方官春秋致祭以順輿情而彰盡績如蒙

俞允再由臣咨行兩江督臣江蘇撫臣知照理合附片陳請伏乞聖鑒訓示謹

奏

